

河濱詩選

卷三



10943

河濱詩選卷之三

朝坂李 楷叔則著

七世族孫

元春時齋選輯

瀕陽李因篤子德叅

同里後學謝全寶十台叅校

男 建 標訂

同里後學謝蘭佩晚九校刊

五言古

秋野 得東字

入秋事事佳野望更四通 踈步接林莽疎豁見洪濛 繁雜

一以盡直與我心同安知六合外更與駕長風

秋風 得冬字

河濱詩選 卷三

雄哉秋風烈當者悉摧鋒 刁刁入畏佳聞之為改容 鳩鷹

一將化英華焉得穠造物匪不仁 盈虛趨否冬 嘆喑名少

皞何如青陽農

秋水 三江

水德秋乘時萬聲奔雜 嘒混混合六 齧崩浪 賦擊撞甘泉

為 馭海初性遂迷邦或謂濶下然感此涕泗雙

秋鷺 四支

羨汝秋浴意亭亭立素絲 羣鳥各有競獨能堅以持 躁者

必有倦靜矣夫焉疲于人既無爭洲濶無不宜誰謂物也

賤可以爲吾師

秋陰 得微字

漠漠秋陰直漆漆洞清微窈兮冰綃寒幕天疑不飛晴雨
未能定茲理將何歸大古在洞庭吾欲探靈威

秋苔 六魚

苔蘚葑秋砌其上有蟲書蚪蚪勢無定宛轉意恆餘蒼頡
不可作結繩遠其初異聞盈目是惜之不忍鋤以此仰觀
天我輩真拘墟

秋葉 得虞字

河濱詩選

卷三

二

蕭疎葉盡脫所留能幾株猶有醉中血染霜爲珊瑚昔我
聞五色大慶衣緋朱何以比晚霞暫與少躊躇

秋漁 得齊字

河流魚趨東江潮魚溯西八月潮最盛晉咎焉能齊釣鰲
任公子此語亦滑稽白露新篔重夫婦起聞雞換米不換
酒終日同栖栖

秋思 得佳字

未解心所際蒼茫不可排巖風吹我戶江月照我懷切切
復戚戚獨喻寡所諧中有千萬端恐與古人乖或如弩爭

發或如劍猶埋以此肅殺氣稜稜拂清齋

秋陽得灰字

愛日冬孔嘉畏日夏悠哉無怪傷秋士秋陽使人哀花鳥
無春况但有斜景開景亦不可留來者非重來一秋日九
十誰見九十回所歡晝長明此志未即灰

秋嘯十一真

嘯歌本同音長嘯獨天真秋昊宜舒懷鸞鳳聊重申吾亦
好幽潛全此山中身嵇生與孫登遐哉古之人

秋橘十二文

河濱詩選

卷三

三

昔傳橘隱事仍讀橘頌文纍纍垂其實吾寵以冠軍能使
胸臆間清如沆瀣分胸中無所礙其餘何足云

秋蔗十三元

蔗生當何候含滋溢靈根爲漿甘且冷可以滌毒煩玉魚
紫清梨焉得私自尊漣洛及醜醜茲理難具論

秋塞十四寒

鴻鈞同浩氣邊徼每先寒白露催積雪獵獵樹聲乾遙戍
千萬苦一一夢中攢祁連燕支外秋星夜闌干

秋藜十五刪

野藜荔荔密雜生郊園間低葉以療饑堅莖竒秋刪雖非
筇竹質杖之恣餘閒摩娑旣以久光瑩絕蟲癩癡心思劉
向寒閣同閉關

秋草 一先

灑氣回大野川原澄且鮮萋萋昔時草一一變黃矣我時
旣以邁焉得不推遷牛羊髡我枯蘭蒨復自煎但無傷其
根候諸三春天

秋電 二蕭

熒熒震電生秋空颯動搖恐是天垣間亦有咸陽燒天笑
河濱詩選

卷三

四

信無稽投壺語何驕方當眩眇瞬遂憫湖中苗何堪連日
夜閃爍勾雲霄

秋濤 得肴字

觀濤及秋序惠然念有巢羣水尚崩奔其中多鼃蛟光亞
雪山飛沸聲雷咆哮于此一移情曠眼等芥坳固宜蠲宿
疴身世如遺拋

秋山 得豪字

穆穆翠微色突兀出寒高爽氣望卽愜久居安得邀枯木
鄰山藪炊爨寧自勞古昔有道國淳風尚穴陶有虎足爲

苗有石可磨刀無爲學松鼠伏出弄松濤

秋畧 得歌字

陽羨有畧山其茗清且和春採及方萌秋採出烟蘿早時
弗及尚晚遇亦堪歌稽古周禮葬此類未誰何後代一入
貢民勞良亦多草木使民勞淚盡如江河

秋夜 得麻字

肅肅方永夜箕斗轉橫斜不眠千萬戶歌鐘只數家鶴鳴
警九臯鴻影掠寒沙誰人當高秋而能無怨嗟耿耿聞機
杼貧婦績亂麻悲士胸磊砢宵征天之涯

河濱詩選 卷三

五

秋耕 得陽字

農家千夫淚官家一日倉耕耘苟不力田事豈能臧稻黍
雖粗登麥麩遲則傷驅牛復荷耒噫嗟感中腸羣鳥啄草
根鸚鵡飛其傍野鼓前我歌饋饁及夕陽

秋蜂 八庚

微寒入蜂房繞徑見落英倦遊不出採纍纍守所成割蜜
勿使盡聊以養其生况彼君臣義悠久不中更

秋邨 得青字

村居秋最宜散髮裸其形枳棘爲籬落遶廬猶青青官嚴

無偷兒猛犬不驚鈴風吹蚊蟲息離離天上星城市雖有
酒不如郊與垌

秋藥 得蒸字

萬寶俱歸實精神貴翁凝風露恆相犯憂患易爲膺此生
固有涯因之念折肱吾友採藥還秋曝杵臼升衰朽苟可
扶且以備堅冰莫問金與石金石事可懲

秋星 得尤字

天衡齊七政靈臺颯已秋月明衆星稀歷歷夜未收穢祥
吾不語乘除歲自周歲寒且奈何星影復悠悠

河濱詩選

卷三

六

秋潮 得侵字

舊潮信晨晚新潮獨秋深高岸將成谷我土受海侵迎潮
諸小兒狎舟獨何心卽汝猥捷慣鱷齒銘于金鼉鼉無巨
梁精衛多哀音

秋螢 十三覃

炯炯綴危塘依依度江潭或如流螢飛光輝獨耿耿照君
古人書來止南牕南寸心苟自明不作腐草談

秋蓼 得鹽字

蓼花開淺赤其致故已廉秋汀奈蓼落惜哉但織織此中

有孤味不願與衆兼士女尚幽貞禮文嘉尊嚴苦心苟無愧於世復何嫌

秋潦 得咸字

古者井田制溝洫相通衙旱災需以拯水患亦云芟豈無行潦水制之有大凡此法旣遠邈譬彼古英咸霑雨不肯息旱土飽其饑淖泥窒我馬亦復不可旣汝涸立而待君子畏民岩

秋筋 得董字

曠豁十洲畔大澤鄙壘空以舟恣虛遊甕益飛蟻蠓所歡

河濱詩選

卷三

七

秋氣切霜帆可自董朝夕之所怡與心得瀕洞此心無有外居然擷其總

秋柳 二腫

蕭疎古堤岸霧裊出瘦竦疇昔黃金姿首被青皇寵寵衰何足悲榮辱不旋踵林林幸多羣得免匠石恐自茲延天年支離而擁腫

秋樵 三講

堅木在深山脆木在短港我有霹靂斧不學劉與項代木得琴材如珠得于蚌秋深語中厨此理可深講

秋煙 得紙字

灑氣浮長空飛煙勢亦駛出彼城郭巔飄颺千山裏流翠不成濕隨雲仍騰起所思古仙人風實與雲子

秋霞 得尾字

秋至霞更新餘綺光而燁珥暈經天端崑海燒鯨尾朝暎故飛揚落暉猶萋萋吾餐以爲糧仙人謂我偉相與驟飛螭俯脉禱中蟻

秋笛 得語字

清夜遂聲哀一一皆秋語穿雲復裂石吹向傷心渚桓伊

河濱詩選

卷三

八

彼何人柯亭昔相許奈何關塞長長與笳角處禮樂喪笙鏞惆悵還惜汝

秋雷 得虞字

殷殷秋空雷砮礮轟且武剗雲裂坤軸豁訝開石乳昔也動春蟄今爲芭蕉雨蕉枯無復心此意誰能覩或云實帝怒六師填然鼓烈士無懦肝短髮誓后土

秋曉 八齊

皦皦秋之光暉暉清且泚起坐瞻四方川原如頽洗夜色卽深微白晝洵開啓洞然無險阻扶輿見同體

秋樹 得蟹字

霜林出古坳
夕陽已久解
豁落披其根
性情息勞憊
猶有
枝撐姿幽然
生瀟灑
賴汝持坤柱
不爲風雷駭
葉紅點溪
山比鄰容相買

秋漢 得賄字

四時河漢移
秋至獨皚皚
銀潢源不枯
彌天灌普海
昔當
環天垣
自謂幾千載
微雲一斷遮
光影如變改
憐汝乃自
寬萬事焉能待
不如飲醇酒
但取情所在

秋蘭 十一軫

河濱詩選

卷三

九

猗猗葉重光
油油如美鬢
天縱空谷秋
孤香能遙引
移之
綺園中
綉佩猶未忍
如何長棄置
一夜西風緊

秋菱 十二吻

採菱之中澤
豈曰能長隱
烹菱吹湖薪
聊以代餐粉
雞頭
觸我手
烏喙決我吻
菱雖有芑角
於人猶堪近
罇花照容
顏况可資戒謹

秋扇 得阮字

餘酷癩支體
癡蚊聒莫晚
誰云團扇悲
此物未可遠
涼至
則寒生
大熱亦將返
氣運戒天張
潛德貴休偃
卽辭懷袖

間猶非時之蹇

秋吟 得旱字

羲和鞭六龍憇彼蓐收館世路積峰谿焉得千里坦俯聽
草間鳴煩促低且短志士豈無心苦吟焉能緩一吟腸肝
絕再吟涕淚滿縱有抱膝處古勤今則懶

秋雁 十五潛

振羽凌秋冥作賓意寬闊炎涼固有時南北亦無限不堪
往來頻縉繳復在眼越鳥自死越各亦念其產如何無定
栖緬懷昔人版

河濱詩選 卷三

十

秋聲 得銳字

廬陵感秋聲所悲殊匪淺憂自從中來外物奚足免縱使
秋無聲此道知可卷盈耳悽愴生絡繹如獨繭達者齊彭
殤所懷寬以衍收聽入真詮惟有昔人典

秋空 得篠字

寒暑致其極恩怨亦不少平易天可親春與秋皆好春媚
秋堅清判如分昏曉一望不可際快絕雙飛鳥廓然大光
明包攝諸天小巍巍誅蕩蕩于焉忘智巧

秋初 十八巧

殘雲猶出峰，候星忽占昴。煽熱不暫留，林露將中飽。視裸面長河，襪襪希相攬。吾拙不自悛，秋夕羞求巧。

秋蟬 十九皓

露咽咽猶鳴，格格心如搗。抱葉將吞聲，其默不肯寶。昔恐夏失時，秋至增悲惱。爾形雖微末，聽者顛毛老。

秋景 得寄字

飄渺秋空影，顧影自憐我。仰觀天之光，虛實無不可。當春颺遊絲，當暑雲如火。以此興寥泝，與氣相右左。何待南山下，留連菊花朵。

河濱詩選

卷三

秋鶚 二十一馬

鷺百不如鶚，橫秋俯荒野。草間多所欲，焉得少寬假。策策刷霜翎，凡鳥失聲啞。怒威非得已，此心知者寡。

秋薺 得養字

龜山詠薺麥，秋冬見所養。潛根天地間，迎春勃然長。物固有其時，君子盍自廣。舒目察野情，貞元有參兩。

秋露 二十三梗

朝來聞白露，坐見臆禽冷。漢宮舊金盤，但聞仙掌影。朝陽晞豐草，觸此心怲怲。露華誠可啜，甘露亦可警。

爲得情也以爲冠之自取侮也首之曾虛足也信衆說以
誦吾說而怪之吾嘗觀于人焉冠之異履自若也首之加
足自若也且有聞於古之時矣桀紂故天下之大棄也湯
武天下之所同聖也南巢之舉惟有慚德武非聖人蘓軾
言之夫然則冠之敝終不夷于履首之尊終不等于足也
周鄭交惡東萊譏左氏之失言三國並志紫陽刺陳壽之
無知他如祝暉射中王肩則臣罪不容誅元暉與君爲訟
而武子稱其愚莽新不列于正統五代皆隸于毒聲白水
真人豈爲更始之臣崖山帝昺猶是趙宋之季譬之牝雞

不可以司晨奸宄不可以賊善奴僕不可以侵主禽獸不
可以逼人此則吾說之熟而可厭者乎或曰否否所貴于
冠者緇布皮弁玉藻冕旒也臺其笠鶴其冠岸其幘纓其
纓則失其制矣所貴乎首者耳目聰明德音不怙也視邪
色聞淫聲嗜饕餮窮蕪澤則喪其儀矣乃若履朴下而任
勞冠之所不能代也足疲繭而無識首之所宜爲宥也是
以古有易姓之君無易姓之民正名或代乎獨夫殉烈不
責乎通國夫然則上無常尊下無常卑也久矣且以天道
旋而無滯物情變以趨新古今之所共閱也上失其道羣

空城悲輕此江河險高天尚不齊秋光仍冉冉

秋瀑 三十韻

飛瀑何處佳山空秋雨黯一洗萬壑清峰石高削斬原泉
驚流稀溝洫多旱減乃知高山情靜對宜軒檻

秋鶴 一送

皜皜雙白鶴海溪姿所動一學神仙遊勞勞雲霄輕一入
府中居甘作耳目弄野鶴獨乘秋夜半聲相送我友亦宜
然無爲安懷慢

秋霖 二宋

河濱詩選

卷三

三

秋晨雨欣欣霖霖亦奚用禾頭一生耳龍伯將見訟陽石
難可鞭葭灰復相重恐有滔天波仇雙屐不共

秋旱 三絳

夜看月赤熒朝看霞猶絳爰曦不停車毒酷盈閭巷秋風
卷秋雲膏澤遲其降哀哉民多饑干戈生愚贖

秋蠅 四真

黑白有定分蠅則使之易譬彼言官言不庸鑑物智誰謂
秋蠅癡僅沾盤餐賦所怪不肯螫非關天不棄

秋月 五未

皓皓孤月流秋至分五緯匪但清明光兼此尊嚴氣積暗
當復來熠燿奚以貴引我客中觴無人知所謂

秋蒲 六御

蒲叢野水秋多在民貧處織之爲雜物市向別方去何能
爲恒業賦稅少有助水深蒲復沒忍餒收它慮

秋松 七遇

松耶何亭亭深翠表羣樹久與春夏同將有雪霜遇焉能
明一身而無衆木顧拂拂秋氣催策策落葉訴回身語女
蘿相從無驚怖

河濱詩選

卷三

古

秋鷹 八霽

化鳩曾幾時返魂則猛厲詎敢忘慈仁天道良匪細昔爲
鳳皇臣不用鶴鷗娣炯炯雙眸光老拳一何銳無俾疾惡
者反爲臂韉制

秋圃 九泰

圃事聞昔賢復與高秋會枯槁勤四體有風吹蕙帶鮮蔬
旣以登遊神八極外西池舉瑤華東海拾龍蛻

秋蓉 十卦

芙蓉嫣然影時晚亦徐屆佳人無遲暮精神獨逸邁江濱

扇輕風散作香一派
達觀開我顏
昔人詠蓬萊

秋黍 十一 隊

疇昔閉場圃
卽向田祖酌新黍
及其時客來歡相對
數年開懇多種之
蒿宮背一望川上原
總在秋風內
饑餓豈不憐無端心忽碎

秋燕 十二 震

物理詎仇讐
鴻鴛不相覲
徘徊主人堂
其堂高數仞
養雛旣飛鳴
作巢無鄰震
顧此安能辭
四序有退進
蹇歸海濱
春香泥及花信

河濱詩選 卷三

五

秋菊 十三 問

時眸徇佳名
忘憂及蠲忿
吾不知淵明喜與黃華近
看華亦增悲
物類豈有靳
假之以無絃
佐之以良醪
羨汝犯霜姿
獨能回天運

秋稻 十四 願

佳稻種繁多
民事敢不勸
浮航入天困
廩庾歲千萬
黽勉插秧初
沒胥泥無怨秋
春斗斛新米貴
盜滋蔓明王賤
金玉此策古所獻

秋棠 十五 翰

吾愛秋時花疎朶多秀粲海棠喜墻陰有客同昏且低葉
扶綠光爽脫生泮渙其性嗜嚴潔觸手寧糜爛雖與衆卉
居逸羣而不亂

秋菰 十六諫

菰蔣非嘉穀羞爲黃稗賸以汝沉雲黑殍者無敢慢仙飯
比青精焉有饑瘡患療饑信多方不義古所訕吁嗟仁人
粟采薇將無間

秋兔 十七霰

兔以孕月生月惟清秋絢爰爰桂樹側涼露可以燕以君

河濱詩選

卷三

去

捷俊姿濯濯美且倩管城開封疆慎哉勿自炫

秋閨 得嘯字

三秋深閨閉籬落寒窈窕不耐顰眉人其堪風如嘯門外
一尺地空有明月照母也念其閨妻也念其釣那得遠遊
行而敢忘祖廟大義必來歸庶以免永譙

秋竹 十九效

老聳秋竹竿羣草難同較劃空昂蛇龍維籜委羆豹誰如
虛其心兼以直爲教春雨生兒孫卓然皆自効

秋果 一十號

秋來園果熟雜選分衆好上林異所珍多從遠方到葡萄
已習嘗荔枝煩郵報殊物入中邦此事未可傲築田以植
樹農事多虛耗

秋桂 二十二箇

不信爾扶疎復爾香遙播得時但一枝勝於竹千箇人爵
亦所輕况復時易過俗云月中花此語吾所唾吾無隱乎
爾高唱孰能和

秋蟹 二十二襖

霜清蟹初肥邀鄰觀秋稼持螯思畢翁真意獨傾瀉短牆

河濱詩選

卷三

七

通濁醪共醉竹根下或謂郭索形虬蜺易相借凡物有真
偽慎勿蒙其詐

秋藻 二十三漾

昔讀魚在詩引首常西望何水不淪漪舞藻空廻向秋歸
澄寒文絲淨無變相君子不隨時寂歷得所尚

秋獵 二十四敬

蒐苗復舉獮所憂田豕橫蕭蕭大旗張烈烈雕弓勁應弦
羣獸吊六軍皆相慶歸來分行炙三品陋前政合圍非不

仁昊天有成命

秋菱 二十五

儉年草木根所適異懸磬不謂採薇人菱蘆搜其剝湖臯
斷江洲舟楫以爲徑烹牢腥鼎鑊肉食何足伎

秋藿 二十六

鋤禾困烹藿藿羹以藜侑秋來葉禿零此味閒清晝于道
苟無傷雙頰寧鵠瘦烈士一杯泉昔時千金酌

秋蚊 二十七

蚊蚋水鄉繁嗜膚亦太甚驅之將復來撲之不可任造物
子爾輩瑣細反不禁秋熱能幾許憐爾無佳讖乾坤有恆

河濱詩選

卷三

天

機且爲發長吟

秋葵 二十八

青青園中葵疎花孤且淡相送秋陽頽傷根奚所憾草兮
尚能然耿耿心不暗迺知貞難移不在久與暫

秋梧 二十九

一葉落琅玕羣彙失其艷鳳皇啾啾鳴將棲復有念非無
朝陽暉高岡陰易斂朝陽故足思夕陽亦勿厭子綦據槁
時不復同說劍

秋魚 三十

枯魚悲釣餌驚魚戒淺泛秋魚未滿尺二者不知鑑冥冥
以從事曾學衆所闕豫且一擅巧白龍尚懼陷

秋雨

得屋字

雨積使人愁沉沉黯秋竹何堪客遊人長夜亂心曲殘突
不能黔千村多破屋十日無義輪何以春斗粟去年太劇
乾今雨不敢哭

秋夢

二沃

夜長體舒安恣魂無所觸往事辭祝融亦不媚顛項蒲團
藉石牀獸錦裁茵褥無庸分富貧安眠誠已足

河濱詩選

卷三

五

秋菌

三覺

野中秋菌生小年感晦朔造物所蒸成譬彼虛出藥菹香
雜菇脆其味亦不濁登之羣肴間乃以見素朴紫芝可以
採伏靈可以劓

秋荷

四質

殘盞欲捲霜晚藥仍照日不惜根蟠泥惜此清蕖質西風
出稻畦的的成佳實含苦欲向誰所懷堅以粟夏夏傳無
窮人生遵貞吉

秋齋

五物

顏華惜彫殘人情惡沉鬱天道亦復然久陰誠所拂渙然
晴光佳歷歷觀萬物翳雲滌晶空遙浦猶森蔚晶晶月天
子流暉夜能乞

秋蹠 六月

栩栩重栩栩神理飛以越倏焉秋非春往事何恍惚依草
已自傷墜粉將知歇蜻蛉不知止猶點千頃月

秋菰 七曷

秋鮮盈我畦果菰俯可掇豈無抱蔓悲時至焉能奪寸草
芥蒂心糾糾尚不脫譬彼田橫島縈之旄丘葛義梗不自

河濱詩選

卷三

干

平天海無空濶

秋芸 八黠

芸香秋生粉書蠹賴鋤憂前生五車魂此道終不憚寡聞
莫若余有志不得刷詔兒灌芸根勉旃穿七扎

秋雲 九屑

霽霽翳秋虛容裔隨飄曳或有靜雲姿可與同怡悅無怪
異曩時縹緲但輕屑坐待八荒同英英生白雪

秋葦 十藥

菡苗曾幾辰蒼蒼已非昨鼉聲希不鳴隕霜足悲愕北戶

漸多風曲卷無層閣呼我緯蕭人選材成修薄曉哉古虞
衡履畝出江郭

秋釀 得陌字

大禹儀狄疎後人乃共適有秫秋新登可以釀千石涼州
醞蒲萄杞菊亦見積或者祈延年舍此誠何益

秋蛩 十二錫

慙隱恣蜘蛛博物辨蜥蜴不如流火詩莎雞生深榻三復
戶與床可以綿罔歷秋宵積漸長肅肅聞四壁吾亦老農
夫寒矣念所績

河濱詩選

卷三

五

秋絮 十三職

茫茫天孫錦杼杳空我織授衣何其難木棉不易得湖臯
蒲荻花茸茸有溫色敝篋思灰澣朝寒且漸逼我學不龜
手聊以服其力

秋帷 十四緝

燈火稍可親入帷如弗及專壹古初時藉以神相入獲肯
發妙妍求源勞修汲忍貧購遺文傍觀惜羞澁詎不知窹
冥此中求自立夜長思無端涕墮方策濕

秋蝗 十五合

何物蔽空來絡繹復雜遝我畝不能拒鄰田將復納種類
乃稱蝗毒氛且四合吞此良獨難寒雪促蜡臘臘雪固非
遙螭生莫沓沓

秋虹 十六葉

突兀見垂虹曲垂矜艷燿或云龍藏頭亦如天穿脅陸海
旣已沉金輪沒其轍白玉氣不生漢津梁不涉秋色澹積
陰貫日乃初接恐有激烈人草間事游俠

秋晴 十七洽

晝晦不敢啼夜晴不敢狎晶晶積卒星簇花明戰法月孤

河濱詩選

卷三

三

二儀澄陰雲如解甲山魑自摧藏秋冷芙蓉匣

春雨

融融消五出澎澎落千門城頭女墻濕一一淚人痕小民
易爲怨亦復易爲恩但可免夙夜得歸食羔豚家人共語
雨慎勿更翻盆雨多海氣增白晝如黃昏

瀟瀟非秋聲淋淋非暑雨正及穀日前於田或小補如何
遠歸人未行先自苦仰眎江干雲徘徊溼金鼓野田草蔓
生四方同一土丈夫爲文雉焉能力如虎

膏澤流原野其本在虛空原野物有殊大造理則同辟彼

四五兒生也同一翁強兒勿大悍弱兒勿太蒙芝生爲國
瑞菌生何茸茸所願天生才能爲天下雄

此雨異淫雨霏微在雷前雷霆未及施蛟龍安得然迺如
四時更不能自爲天無垠溟渤水嘉禾原隰田喜噴無定
理小儒勿妄羨後來未可知禍福莫虛傳

送春

春氣使人悲况復春之杪湖落野花根雨澹煙林表城中
尤難堪不但市聲颺山容不到日水面多清擾納紆豈能
除羣舟填昏曉用汲憎長綆玉漿思遠嶠所飲鼪鼠耳忍
渴節不小

河濱詩選

卷三

三

春惟一日存客無七尺扁不能固相留臨水翻相道如環
信無端他時仍姑洗執手送青春此際懷非淺來者雖爲
榮去者詎云蹇虛盈天尚然人生何以免胸中鏹五嶽夷
然增曠衍

流雲沒春嶺白雨動春井雨雲甫深藏春亦收綠影荷花
未及筭牡丹骨已冷何待桃李天化作冰雪境柔枝漸以
剛蛟蛎漸以猛萬物故無知有知將耿耿物其奈春何我

生宜自省

翠獻無卑溼紅樓貯高爽二者不得兼方壺真幻想何必
遠牛犬憤激袒魍魎局促倚葢下不啻粟在掌春雷寡恆
姿春鳥稀定響星星頭顱雪亦與春俱往

孟夏

時物感孟夏綠天萬木標客是老農圃心枯鬢髮焦今日
憂稻畦昨日憂麥苗大麥花墮雨小麥偃風颭不須備海
滋且與慮山椒

山椒夫如何煙嵐空青青江南枇杷梅新果滿洞庭秋橘
黃金實離離紫玉屏可以曲吾肱可以揚小舠淘河入笠

河濱詩選

卷三

孟

津魚蝦不自寧古人云蕭牆慎此恩與刑

蕭牆非過蕙貧勇盜之招買兒及耕奴所見止鷓鴣終日
剖葦食焉能心膠膠有客適其野曠然歌且譌四月吟靡
草五月愁鳴蜩悠悠肉食子或肯登曉曉

五日

家貧不足悲時窮難獨守我笑送窮人乃是學道叟石自
不可據鏡自露其醜山阿杜若香啜泉勝飲酒哀哉號天
公何故爲陽九

晦日

浮生皆逆旅何者爲主賓忽感時物改翩翩愁殺人萑蒿
木藥枝三十六宮嬪茶花先吐艷梅花尚含頰出戶如可
賞入室意難馴獨坐香爐側曠哉天地身

百年一閏端陽

萱莢饒情緒蒲節復相遭百年皆鼎鼎四序亦滔滔嘗謂
天不閏無以慰二老所幸著歸功增補壽年高以此補朔
虛造物何大勞仰感天公意酒讌敢貪饗采艾入山曲鑄
鏡向江臯重以新楚麥列此李與桃或人乃痴絕失約在
遊遨刺閏比鼉紫議論空嘈嘈

河濱詩選

卷三

五

七夕 京口作倣齊梁體

江干逢七夕秋水是銀灣不見支機石倚磨筭山鳥鵲
如賓旅耕織自人間螢流雙星似津渡一年還所嗟衰柳
質羞對軟花顏浮瓜稍肺熱穿鍼試心閒翻因逢世拙相
忘帝力慳君臣猶夫婦離會酒潺湲

社日 用元白體

五戊昭社事此事老農傳或在春分後或在春分前社酒
與社鼓自古莫不然社名遍天下社義無由宣春社宜東
郊秋社宜西偏土穀皆有神祈報如事天社公苟悅豫一

方獲安全漢家紀粉榆松栢遂不專覆屋嗟今昔罷社孝
者賢燕子翩翾來依依楊柳邊時序流人老郊行莫遲延

深秋驟寒

驟寒逼陽月水氣海濱增已見菊叢外炙背有孤僧所喜
蚊與蚋潛影不呼朋清肅惟天德萬物悉堅凝吾心亦知
斂葆光守其恆長夜何所爲炯炯有殘燈時乎詠辛卯復
此懼坤水

九月朔日登高

芙蓉花畔風吹愁恣旁礪菊英將照人荷塘已非昨感之

河濱詩選

卷三

三

心悲傷達者胡不樂城北小丘岑登眺庶可托北郊多新
圃晚綠未蕭索離離薯蕷架瓜著蔓棹約旱雨變池痕空
黃改豆藿神致爽以清且與命杯酌坐下紅氍毹盤中嘉
脾臆野涼如故人鳥聲如唯喏萸節雖未逢先期覓寥廓
是時念農夫終歲守耕鑿上有蒼蒼天可以齊強弱小人
報則凶吾道惟淡泊沐猴猶滿庭良材委寒壑所嗟骨啗
犬亦使玉抵鵲我知鳳皇樓不如鷓鴣杓適爾全其真超
超無所縛八極非爲遙恍惚同一橐

擬陶 九日

伊昔龍山會前詰擅流徽種秫不待熟奄忽守蕨薇令節
屆此日身世已相違荒廬在人境秋英盈我扉冉冉生晚
香飄飄入我衣何必登高丘始見造化機人生苟無酒空
腸萬愁歸旣謀一夕醉忘此九秋饑他辰匡廬社當與遺
民依

霜降

霜降池不溢寒淨一虛空星緯逐皎月岸色過輕鴻是時
天地意相將守此中細魚忽動躍撥刺各西東幸收白晝
網遊泳且無窮水淺魚龍饑焉能待雷風願得萬斛米畀
河濱詩選

卷三

三

汝活羣躬友朋相請誦吾道貴始終

立冬後三日

冬煖寡人賀裘賈殊不然米賤良爲美難市輸官錢小民
祈無寇武夫利纏綿感此嗟仁暴搔首仰高天高天主萬
類其情各有偏

樂至不自勝憂來不可泄憂樂境撼心搖搖難自制晝疲
夜復然嬰此榮與衛人非金石堅焉能不朽斃達者預知
之煩勞無作厲

作客牛女地忽逢長至天長安四千里族姓尚依然何爲
天之涯豆箕買朝煙陽生今一綫布袴凍木綿昨怯北極
冷聊藉南國間南國冷如此冬青葉不堅

敬亭山北寺

山迴蹊鞠草村落樸且真蕭蕭三數家竹中自爲鄰倚林
唵青葉俯澗聽微津茶烟出樹間秋嵐莫鮮新所感絕交
時乃見舊日人

湧翠亭 宣城

秋山自不淺客來益復深境近人不至端居守崎嶇山色

河濱詩選

卷三

天

足供飽溪聲如可斟天意或未厭流離且相尋同有秋時
感白露每沾襟

朱買臣墓 嘉禾

朝出東郭遊乃見買臣墓被讒身首分坏土嬰霜露太守
何足驚富貴適相誤不如讀我書擊殺書中蠹

宿盱眙翟家壩讀韓退之詩遂用合江亭原韻

穀日雞三號明星未升左榜人炊晨餐不向清流睡去此
將復來艤艇救僕佐輿夫乃西行乾糗如販貨寒鞵草百
結霜滑危堦過修築夫何難宰者多叢挫以此煩舟航曠

然款乃和暗色迷四方古懷餘一箇十里天沉沉鬼徑盤
坎珂顧瞻無所施思疲成夢臥少選東霞紅不敢輟書課
退之正直人昔也愁無奈鬼神尚移文骨無一寸儒當其
時不諧潮州遂遷播厥初賦二鳥不諱其窮餓我今得與
同怙怙還自賀三歎吟怪辭崢嶸能起惰兼以春塗新林
林空獨座野濶卽無華柳水俱漸破犬吠荒村幽猶驚客
塵泥

禪智寺用大蘇和伯固遊蜀岡送叔師奉使嶺表韻
高原蒙宿莽客心蛻枯蟬遙空歸一刹海色媚春煙殿破

河濱詩選

卷三

五

和風切僧衰梵語顛片虹塔下直翠藻鏡中懸鑿地流庫
水無鳥見飛仙是時沂水老謂我隱者賢窈窕尋殘碣清
深俯井泉稽烏尖蠹蠹園桃華娟娟野曠襟履適暉斜歸
鳥翩異情欣如醖酒竈滅仍然

望靈巖山

茲山嶽異石石佳巖亦播雨後谷中兒往往得石賀吾異
襄陽顛但嗜高峰坐鳳臺應久夷鹿泉或可過遐矚當深
遊澄天孤雲破

六合懷唐人王無功無功曾丞是土

曠然棠邑境昔賢曾遨遊吏隱如東臯江日靜林丘醉鄉
或有托老易置牀頭署卑心不疲髣髴見所由寂寞千載
下高簡遂無儔

紫微泉

觀雲如身輕臨泉得神飽源靈自不竭涓涓暗星昴探以
紫玉筇歎珠沙亦巧復如茶鑪中蟹眼沸稍稍微彼古人
力不知子都姣來賢未可期惻惻我心攬

醉翁亭

始遂山遊興坐臥醉翁亭永叔不可見梅古葉繁青鍊株

河濱詩選

卷三

三

六百年敷華垂儀刑後賢同勝賞車馬逐醉醒我來當酷
暑披對風冷冷穉僧恭而侍竹間一再停怒然懷宋代禮
意先朝廷文法寬不密宦達亦忘形每於山水隕閑適如
客星載惟輒苗黜爾雅崇先經賓客多訓倡滁暉熙且寧
歐文忠治滁時魯子固有耶邪石篆詩梅聖俞亦有班春
亭詩自慶歷五年至八年蓋三載於此建炎以後滁多事
紹興初置營田守用武臣矣時移風流盡泉樹失英靈感此軒溪水一

酌爲明馨

琅耶山作

宿因癖嵐翠濟勝凌赫曦林識清蔭遠逕紆花界遲渡江

無帝子石壘散屣屨

晉元帝石壘見宋潛溪集中

歲月荒蕪老興衰古

木知躡窮諸坪迹俯仰二生悲

宋張方平遊琅琊續書前身為僧時携柳經號二生

岩栖恐未果白雲且深披玉溜出石罅竹引聲入池與

客無所談自審歸無爲但念登山後勝于未登時

望齊雲山

遙識齊雲面蒼翠紛可喜崑崙衆山外玄秀黑帝時不知
舊池龍蟄蛻何溪水車馬節民勞幽深生山鬼惆悵不能
登日暮嵐烟起

丹陽

河濱詩選

卷三

三

廣莫無何鄉吾志在蒙莊如何煙水境只此小雲陽昔時
劉穆之金盤貯檳榔其戚洵涼德相報何遽皇作賦佐太
冲餘風鳴不忘乃有褚侍御風雅掩三唐

三唐條五代往事傷我情趙宋盛文儒乃有石曼卿崢嶸
天中仙蕩蕩芙蓉城斯人不可作俗吏問金鶯况逢南渡
後寇馬來縱橫再拜陳東祠秋葉颯然驚

秋葉浮舟傍回旋如戀樹我楫亦遲留先師題碑處此是
千載人焉得不哀慕虞山仲雍祠首陽夷齊墓讓德苟重
步不在存國祚國家有改除斯德無新故

毘陵道中

曉鶻鳴牛堰殘夢續鷓樓起觀水蒸霧與客作畫求濕爐
飛不息空色隱清流日在密林中枝柯交克周如月受山
河光影含明幽天貌尚不恆物情豈可留

物情不一端留礙生衆苦梅里泰伯封化爲春申浦漢鬼
嗟虞俊平西祀周處飲藥當莽新表忠得光武勵善州里
間斬蛟與射虎人生死固難偷息亦多迂毘陵鑒廣陵抗
節遂不取惜哉非會稽露綬來守土白晝櫻黃金朱門奪
歌舞

河濱詩選

卷三

三

又

天道何曠遠山阜何離披欲問隋時宮古人久不知嗟彼
大業間朝廷輕工費象彼洛陽苑天下集共倖離宮三十
六殿閣何參差周廊花逕繞飛橋日月虧帝且不永保荒
濱但茅茨黃城與青城追溯亦何爲景純言陸海所言果
無欺

景純昔寓此或耽水與山我飲惠泉下終日每忘還九龍
眺震澤晴色空且閒復坐金蓮池香蕊勝幽蘭陸羽骨已
土餘風尚不刪此地多釀酒破愁好容顏薄相一照水何

能居此間

照水羞面皺臨杯覺量衰故人三載後豈其不我思曾聞
甌山傍鹿女爲羽師君山接大海海嶼亦遙窺蜃市卽不
值日出有恆期安得蕭立交坐臥與共之古人昭令名夫
我焉能疲

我有古人情亦愧古人勇元瓚知先幾饒賞不肯擁三御
五湖帆詩畫高自寵容貧襟期佳夢想絕怖恐因念蒲柳
姿不敢試煩冗虎頭舊鄉邦阿堵傳清竦我心天所知生
平不登壘

河濱詩選

卷三

三

登龍肇征商閉戶遂鑿坏溟濛太湖水千載兩鳴夷國讐
旣已雪抽身繫人思此事不可學泛泛鳧鷖悲東觀高君
彪靈帝乃見知賦頌皆諷諫畫像報亦奇雖令內黃地所
逢猶漢時

姑蘇道中八首

三江異漆沮具區等弦蒲藪澤雖各擅東西惟太湖黏天
升雷電不風簸日珠舟楫入其中曠然迷空無魚蝦溢我
網橘柚近我厨銀界絕馬跡玉光失鷺雛三萬六千頃何

方第丈夫

華山千葉蓮羽化聞枕中愛此巖石名復與鄉山同世難
吾已歷度難備兒童桂實可以食赤松隱穹窿相去咫尺
間恍惚見仙公豈無禹期山遺之如蒿蓬何況采香徑寥
寥館娃宮

夙知梅花好當經鄧尉山包山通地脉乃是九洞天齒頰
思冲舉撫心但凄然言發蔡經宅觀彼柳毅泉神仙不可
學往事無奇編自予歸棗栢歇心已有年生公在我右支
遁在我前

豈惟山中佳市門有梅尉念君王鳳時四海將鼎沸敝屣
河濱詩選

卷三

三

視其身直言存浩氣南昌何足爲妻子非所貴復有魏伯
陽著書遺玄味參同紐陰陽言言皆珠璣秘旨老易間三
復得其緯隱形誠負慚觀妙及未旣

平陵梁伯鸞五噫去其國霸陵山雖深潛與水鄉暱廡下
尚可備茲事信龍德眉案有老妻乃在琴書側人情古賢
情自荷臯伯識戴顓生其後能爲蒙莊翼吳士爲築居林
澗亦增飾顏甲後之人無言傷胸臆

子胥兵楚地嚴助救東甌吳俗存劍氣其兵故不柔所以
宋張役勤王有其猷瞻彼世忠碑樹之靈巖頭文治銷士

瞻不止三百秋節鉞當革命焉能將貌貅恐是宰髡魂再
入百花洲南徼昔備越北望亦宗周傷哉勿復語瑯戈日
暮羞

載米鄧伯道焚香韋蘇州吾於白傅下亦愛皮日休從事
多暇晷松陵時唱詠龜蒙故高士天隨良自由作詩不相
諂笠澤賦居幽元之亦復爾恆與羅令遊公餘輒篇什爲
政信風流

張勃爲吳錄韋曜有吳書三國及興午東南積璠璣苒苒此
豈乏賢朴畧見古初旭顛工醉字襄陽顛更餘書畫及器
河濱詩選 卷三 三五
物精鑒乃無如其風今不息翰墨未丘墟但唾遠來人口
解吊專諸

遊鶴林寺

青山礙我俗綠酒滌我愁二者可得兼及此鶴林遊鶴林
昔來時黑髮光如油今來雙雪鬢坐席在上頭年衰力亦
減此事未足蓋入眼何入幕牧馬到崇丘民間數畝麥粲
粲野花稠山鳥時一哢可聽不可求僧雛擊木魚護笋良
有憂云此松間鼠不防且來偷偷笋雖不死竹病減其修
乃知養民者惟在公與侯

辭山

辭山將買楫楫少雨復來樓下小山花依依向人開山峰
若昆仲天然闢靈胎長者懷少者倚戀無所猜共處波濤
中堅貞不可灰世道多涼德感此使人哀江神故有情倒
流且深澗

水舟

上帝恣竒情弄水雕珪玠百神不敢停大塊先吹噫河嶽
爲栗烈溪澗咸風戒縣瀑無濺飛萬流滯分派窮髮習爲
恆幽極殊巨怪炎洲勢雄毅雪雹所不屆縱有薄冰藏微

河濱詩選

卷三

三

未埒癘疥江浩萬里源溶溶常湖泮朱方宜燠濕忽見陽
侯介想像風伯旗崩稽水神拜與汝琉璃台催促銀色界
曲溪玉作鉤方池粉爲罽凜長練增輝湖圓鏡可挂居然
蛟龍宮新作蛟人解貝冑列疆軍金鎧陳守械隔絕漁師
呂護此鱸與鮓雖有任公子難施十五捨郊原淒莽互咬
獠未云快野狐能過馳潛德以奔邁維兔或知寒不期而
相誠甘丙且息乘宋鵲空疲僊管中方饗餐炊炭等皮韠
早饗萬雞豚珍厨費葱薤良醢不足云羊酪聊一噉江楠
多粧樓鬢雲重加髻女冠飾明珠星星而增增鳳奩傍寶

鴨椒蘭芬不解亦有巖居人寥寥閉一寨鄰以農圃家象
玩義爰卦粗糲在益益服氣對沉瀝獨此沙棠舟滯留坳
堂芥平昔波濤活倍覺關梁隘恨解凍風青皇一何懈
二日納凌陰古人誠虛語淑氣入三陽重陰猶夬夬前艇
奮以征後艇亦憊行不正貌水聲未滅滅人聲乃噲噲耳凍
不成聰聞之翻欲曠擊堅以疆槌堅者未易敗中流肌膚
脆應手而破壞如一無毛裘烈烈分弊祿須臾漂片片如
繭之有絳亦如武安瓦雜以鐵與鍛榜人旣筋疲呻吟良
彫瘵餘濕生金鐵刺手如毒蠱或凝槽柁槳或粘蓑笠襪
河濱詩選

卷三

三

痴童着革鞮時復理衣解不覩米穀人小刀來爭賣檢視
一斗粟差能勝蕘稗日景旣將頽水齒猶齧齧境則不豁
通心窺積芥蕙安得澄止觀端坐聆經唄悽惋四方民寒
餓堪怖憾聖哲志痾瘵遑遑何由瘥况此蠢者愚往往罹
誤註至貴期至仁黽勉可以勵消融春澤生無俾悲而詎
作詩以告呼殿邦思藩价毋謂予言非君子念營劓

代嘲舟子

小舟獨屯遭驚馬更停鞭側見衆飛鳥來往戲春煙春烟
將媚柳暇豫正周旋以爾提軍旅可以爲中堅綸巾而羽

扇吉行不肯前

代舵婦答

阿郎賦命薄日持刺船竿郎力亦孔武郎舟亦甚安儂從
阿郎后風波不曾干君子無相請人間行路難紆緩心氣
秦剽疾多憂患

虎丘

共步虎丘寺延望古虞山泰伯不可作採藥幾時還吳越
生霸氣兵戈血人間爭讓一以分今昔摧心顏

闕空生湖海錯落散英華不知千古後此地屬誰家拳石

河濱詩選

卷三

三六

分山翠

或云海湧峰自華山移來未知是否

靈草含春芽溯觀洪荒始浩浩

更無涯

獨坐高山頂下視海日潮泱泱奔元氣赤霞手可招仙人
非知已安得同昏朝蓬壺一片石宮闕空岩巖揮斥思八

極不用鼉鼉橋

我愛劉夢得其詩皆可傳惟公能自許餘霞尚滿天誰謂
王叔文足累公之賢蘇郡雖一守金紫榮斑然乃思史氏
苛求人多求全

我愛王元之詩文與友同亦如皮襲美麇酌陸龜蒙政事

能不廢大雅起頽風後世皆俗吏何人繼此翁揖君三歎
息遭時愧耿躬

我愛韋蘇州式玉亦式金俎豆膠庠間復此祀幽岑少年
負奇氣晚節老益深一夕讀其詩山水遜清音前賢惟栗
里與此同素心

我愛白樂天聞道能邁俗引水通名山作塘近林屋一月
兩三回他人無此福異時在西湖橋堤鏡中燭詎比謝永
嘉登山駭羣目

我愛蘇子瞻風流若神仙足跡之所到反能重山川入吳

河濱詩選

卷三

堯

亦偶爾小吳語已傳

公至虎丘題軒曰小吳蓋取孟子小魯小天下之意

吳人居吳

地死後竟泯然所以貴自立亨屯皆從天

支公馬神駿生公石秀特兩山相並寒賢者故不測清淨
自本然山河幻諸色我思古高人知彼風標力聳首滿塵
沙斯人難再得

讀書

朝日讀我書夕亦讀我書起視香影間不忍殺蟬魚念子
同嗜好素几爲石渠乾坤奔二曜節候成盈虛清湛惟斗
室萬物亦來居不比權門前營營難自如

行藥

扶羸陟陵陽行藥眺涇水寒花落澗濱秋風嘯山鬼何人
爲悲歌淒斷入人耳

敬雲

西景忽收光遠山新觸目如何平楚間崖巒生陵谷儼在
空同西窈然闐風曲或擬雪山雪清寒消五欲敬此片時
雲層層蔭林木

癖硯詩

忽然生硯癖其癖卒難痊古硯不可得時硯不足傳憶昔

河濱詩選

卷三

甲

少小時文采頗熒然家君無嗜好筆硯不求妍舅氏來南
海此道稍爲宣端溪鸚鵡眼雖破理貞堅合以生漆汁完
好復能全蒲坂尚書家龍尾制如輒喜其直方大厚重隨
我遷比入瓜洲渚流落不知年龍尾置左右端石置我前
其紋爲錦雲發墨庶光鮮縱使無斗酒亦爲詩百篇近日
學士翁響答如流泉欲製同文硯燈下相留連名之以鴛
鴦常在墨池邊余意名合璧庶幾雅而賢有石如肝肺其
響如磬懸衆目皆曰良吾其忍舍旃售者亦解事知我情
所偏謂此當作海生龍飛上天亦爲稼穡器施於萬頃田

吾意殊不爾人倫齊後先所慚爲二老縱筆生雲烟窮愁
人共有著述聊自便不願爲龍蛇願得爲青蓮鍾王不足
學顏柳俱淺淺以是一片石愍度十種仙帝鴻肇太古結
繩道所綿四海無龔瞽萬聖可比肩髮短雖種種鳳毛亦
翩翩此理深且廣非如豆與籩我作癖視詩漏下不成眠

飲酒詩

酒德頌乃伯倫所作古今稱之淵明飲酒旨意深遠不
在酒也予客廣陵數從沂水先生飲一日之間備嘗數
種家醞清烈苦露醇爽秦郵陳皮酒是數年所蓄者夫

河濱詩選

卷三

三

清以象心苦以植行陳者更事老成之致焉予又奉教
論史設時不如飲酒遂爲此篇以繼二賢之響

弱齡聞酒史此中有達人麴蘖誰開闢儀狄真聖神杜康
振未造中興爲功臣我欲議封建治彼醉鄉民俾厥無憂
患是謂有經綸昔猶時一中今茲深相親上者凝大福次
者克藏身又次乃禦寒不能善其鄰下者無所入終年兩
眉鬢妄言與多事漸以漓其真豈惟坦夷塗倏忽生荆榛
何況鬼魅時四望幽沉淪才賢不自歛將爲物所嗔往事
胸臆間是非亦雜陳衆口吠形聲良史獨覲辛此道惟黨

伐附和易爲因緬懷中立者超然將自伸彼我皆忠愛邪
正各趨新苟不邇密勿影響空信狷悠繆草茅下見聞安
得醇野乘一以播後世愈以湮昌黎不作史公道誠所珍
且懼失其實鬼責無曲狗董狐非吾在班馬非等倫空言
賈禍侮守默庶可遵靜理惠同德宜與酒逡巡著述故盛
事此義繫千鈞訛興誠市井三緘風薦紳門內卽泉石門
外慎楚秦栖遯毋皎皎懷玉且泯泯道堅斯不削氣和以
皆春誰能此語者其旨智且仁何以志不忘爲詩紀河濱

江詩

河濱詩選

卷三

聖

俯仰長江曲長江特地流昔人雄此地猶然爭上游今人
何異粟乃懇海中舟海舟使快馬江舟曳疲牛不知江神
意曾否與同愁

江流瀆我足江洲供我薪儂本山中樵今爲江間人清切
愛江曉繁華愛江春城闕思北斗高處古周秦

江魚可以饜江龜可以占理亂吾不問口腹吾不饑昔人
一何愚多慮復多貪嗟哉水霜時所宜在山岩

江上漁父痴懸繒復挂網鯨鯢何能制蝦蛤乃受枉人自
利其羣魚亦護其黨語魚勿出遊江水儘深廣

一尺紫磨金五里清江水江流有淵源金生復金死但作
江上翁莫作市上子朝市亂人心從古已如此

北門

揚城城北門佳人歛雙蛾未薦龍須席忽聞麝栗歌不知
夫孰是血淚如崩波自憐弱姿麗鞭管將奈何行行道路
遠塵沙日以多同時被辱人覩顏愧綺羅且收寵時淚見
棄莫滂沱

持身

輕霜結乍霽江南寒更峭燮和在寸心所貴得其要壯時

河濱詩選

卷三

三

欠持身已被鬼神笑以病得神仙此言成排調左側黃帝
書右側華陽誥

春風

春風雖劇寒終有和溫生不如秋冬吹吹裂萬物情林間
好花蘂水濱啼鳥聲一氣颼颼至幽暗發光明欲得塗泥
乾先教雲華晴他人未必解徒然費鼓笙

遊卞園

遊車薄陰靄及此春社吟吹閣漱清淑東風蘇寒窘凭欄
曠且平江郊色不泯抹綠繡照心梅英綴以引鄰歌復悠

颺悅聽心通敏傾琰夕陽晴欲歸猶未忍或言駐兵時此地停車軫野館峭石間萬馬青絲紉

貧儒吟

貧儒舌耕時終年違其妻得意買紅粧結髮棄如泥婉孌非不美舊室生蒿藜魚亦歸故穴鳥亦營故栖所以屢屢歌痛恨百里奚

貧女吟

灼灼園中花婀娜媚春風深谷閉珍樹乃在衆山中德士常苦賤貧女難爲容終日弄機杼七襄已云工仰視河漢

河濱詩選

卷三

四

間雙星列西東

孤樹樹大野風霜獨更多何必慮斧斤悠然遂其柯貧家植素節饑寒德豈戕掩鏡不粉澤涕泣獨滂沱知己良爲難日月如流梭

烹菽躬竈事洗釜更擇薪未敢忽女德將恊百年人舅姑豈不慈所患已則貧厨中雖有刀安得脯其鄰於已無所尤但恐被人嗔

朝聞廳外雞莫聽鄰家砧感此勤儉意流出淒切音檢心貧無媿荏苒遂至今撫時三歎息所悲何其深徘徊破屋

聞且復鳴我琴

揚州送人

廣陵帶平津春草被遙區上有喬木林下有長安途關關
鳥和鳴好風與之俱我我黃金闕縹緲如蓬壺明霞燦九
重仙者履其衢念子日以遠悠悠乃長驅

畢方聞曼倩鼯鼠辨竇攸懿彼漢武帝博物乃所求芙蓉
紛照眼煙水澹以愁俯仰石蒼書駿馬千金裘置酒臨大
道與子眷綢繆

京果

河濱詩選

卷三

三

帝京來珍果况是故人傳蘋婆南國寡葡萄西域憐紅暈
美人頰碧珠馬乳鮮雕盤至家貧盥手薦其先兒子競不
已獨我倍淒然

花草

刺老而色荒者亦戒也

朝掇東花草夕采南園花色香或旖旎性情等泥沙瓦注
七尺身蟬蛸亦可嗟

居心當如日日猶有聞虛何況爲片月晦朔不自如哀哀
秋原草農夫相焚鋤草死春復生人年能幾餘彼昏財色
聞不肯姑徐徐

誠虎丘茶

茶以丘得名清絕泉無垢他時飲其贖吾亦欺吾口自今
始見真用之安敢苟况此采香初實出名僧手老來欲漱
石以君代醉酒朝夕思兼之世出世間友無酒使人悲無
茶何所守悔却少年場終日酩酊走不佛而似佛得趣在
病久近日雨太多空嫌殘花柳烹雨聊相歡一笑臨城牖
散花十五首

秋陽羣物向獨爾更依依
衛足來初地傾心出淨扉
自應金作色猶是聖人衣

葵花

河濱詩選

卷三

吳

夙知能嗜潔亦復愛清涼
敷葉墻陰曲飛馨秋桂傍
闕情雖少許不忍競春粧

海棠

何人爲右袒許竊牡丹名
豈謂花王謝能忘野史情
紛然蝴蝶夢恐在洛陽城

秋牡丹

芙蓉秋水側遠澹兩宜人
白露鐘聲落金飈日影新
遙來一翠鳥莫漫占花顛

秋芙蓉

種豆蓮花宇豆花豆實繁
秋藤猶在架午客已臨軒
楊暉與曹植彼哉未可言

豆花

瓜渚種瓜蔓非因學邵平
昔時聞五色今際悟三生
寂歷

關天象扶疎倚化城

瓜花

曾聽杜鵑鳥重看杜鵑花帝魂飛不盡啼血半成霞秋樹
霜前秃乾坤隱梵家

杜鵑花

楚地山河在羽亡涕淚深異時雖花草當日不移心空諦

寃親等虞兮莫漫嗔

虞美人花

此花師仲子珮劍且冠雞雨鬪千軍血風酸五夜啼孟嘗

今不再有客念關西

雞冠花

逢雪方明艷無梅恐太孤寒宜與酒共嬌欲倩水扶照夜

誰家燭相將對寶珠

寶珠茶花

河濱詩選

卷三

七

我欲拔瑤草幾回慟玉簪峩冠朝士服香鬢美人心空植
月邗外櫛風舊夢沉

玉簪花

木罌人已去金粟意猶舍守口真瓶似療饑一金慙芙蓉

身可化功豈遜宜男

罌粟花

含櫻花灼灼春豔每消魂碩果羞皆盡一枝尚獨存爲鄰

當寢廟今只傍祇園

櫻桃花

絮絮非無意飛颺如有憑辭條或泛水脫影故依僧住着

消融處嗒然見大乘

楊花

黃花霜下傑無雨悴枝莖葉瘦秋風合華遲暮色生因之

思慧遠曾否念淵明菊花

竹鼠

竹鼠嚙竹根鼠牙傷其萌遂使千尺玉不得遂平生惜竹
當驅鼠此意誰能明

虎丘蓆

吳草纖如縷緯薦玉皚皚自承肌膚澤帷幄絕嫌猜近人
求希異龍鬚外方來象齒餘床辨珊瑚作枕材遂使布被
置此簟亦塵埃微質雖自卷涓潔良足哀下陳何日克待
君清夢回

河濱詩選

卷三

衆

石株

宗伯移石淮上或傳是
米南宮知漣水時物

石株飽霜月故示洞壑形不知何代始引汝嶽山靈踞林
生碧烟森森瀉寒青學士癖海嶽高懷寄草亭置酒臨時
序無物不儀刑遙遙思萬里于焉藝九經吾來丈人下肅
對若明廷

范檜

昔聞白公檜詩人每憑吊今觀范公檜千載可豫料兵甲
閱數更神靈遠相照土肪久不屬螻蟻未敢窺京邑吳王
城尼泗先師廟本支繁子孫堅貞比道妙念彼銀夏時擾

崇皇宋詔憂先天下憂此言殉居要愛人及甘棠日月同
光耀

筒瀑 效孟郊體

引井入荒厨穴竹歎飛流痴童不知聲已息荷擔憂我耳
慣山巖聽泉千慮休筒濺龍文珠甕溢海外湫冷然生善
氣莫使芥爲舟芥葉動水性天影亂不收狂霾春不歇淫
雨復啾啾坐臥妻孥側空釜笑饑喉

栽紫竹

選竹拔俊異一枝一玉璫斑者虎豹皮不爲淚妃痕今茲

河濱詩選

卷三

晁

禮且敬矯矯黑龍孫林立皆古鐵可以支乾坤想像結空
實琅玕寶並存投竿釣翰海一釣得其鯤他日且未卜習
習生風魂午暑不我害常有冰霜翻

草卉

草卉被河麋焉能皆英華靈秀擅春風萬醜羞且嗟好醜
亦非久飛落入泥沙不關遊人眼看殺牡丹花

廉石

鬱林一條石青草數尺深石傍多人跡同此異時心太湖
浩渺中玲瓏匠者尋何人無舟楫此君解知音

梧桐爲風所折作二詩歎之

數尋青梧桐珪葉厚不疎桐花何其繁桐子垂我廬朝日出其東容光如璠璣夕日亦復佳好風常爲噓最是夕景中清陰沒以舒我有無絃琴對此帝王書愛之不能去不知在客居今倚枯樹傍三歎意有餘

昔亦此梧桐今亦此梧桐延想岐山鳥懊恨海中風風伯欲聞琴伐木付良工奏以律與呂和氣感雖離乃知餐雨露不如調黃鐘榮此金玉徽施及草野躬

對菊

河濱詩選

卷三

五

菊花洵沃沃菊葉亦裳裳昨夕月影中紅朱色孔揚今夕靈雨下沒寂凝濕香耳目日以新物態故不常

早菊猶未衰晚菊已將吐後先幾何時代者乃所舉同羅寒霜時庶幾相賓主晚花莫大專老成亦見侮

白菊如白璧黃菊如黃金片枝早見伐衆花猶如林哀此一菊去能傷衆菊心戚戚無復道吞聲乃成暗

昔人有高寄采采惟東籬籬籬落殊野土竊蒙此恩私今置庭堂中門戶以相持門戶非吾願寧受霜華欺

嗜菊成深癖辛苦在花先辨葉培根苗身爲菊之天不暇

計其勞但思賞其研養民當如此乃見三代前
思咬菊花蜜惜無菊花蜂留花爲藥餌可以變衰容芝朮
求神仙不如獨宿翁少年不可悔作詩教兒童

玫瑰花

我當徘徊時對此徘徊花香色皆嬌艷鄰在薔薇家旖旎

銷人意好潔亦堪嗟詩翁同擬議麝炷與鮫紗

唐彥謙句
云麝炷騰

清燎鮫紗
覆綠裳

牡丹不足草酥煎牡丹葩

瑞香花

爲問風流樹如何字麝囊羣花皆畏汝汝乃獨專房夏願

河濱詩選

卷三

至

處陰室冬亦入溫鄉花神宜無妬花下莫傍惶一枝廬山
種柯葉如琴長暑汝蓬萊紫仙史好相將

野薔薇

薔薇故已佳野容尤出類紅粉如少女香烈而柔膩閒披
古人詩一一供我醉柳惺咏歲蕤香亂不可闕謝跳攢紫
紅頰畧春風意太白念東山雲散月明地錦帳列名家杜
牧柔情肆葉落對秋風賈島傷蕉萃猩紅燕子輕龜蒙亦
歎唱今日我何堪念汝能百媚

摩銅

摩娑莊山銅揩拭西洋布至誠無休歇寂密消羣務一日
濁質變二日光明露三日益滑耀將疑紫金聚四日復五
日神與治師遇依稀赤雀來如同于將鑄繫念非荒淫冲
然忘喜怒是物何足癖呼心問其故嗜鍛與蠟展前賢恐
已誤色不倫鄭施聲豈中威護無味而味之精專生深趣
此外一忘情依止辟龍樹

慈竹示兒益瓚建

我愛此君心峭直不一曲長幼各自立宛如有約束依依
而同居亦可匡風俗偶見無情後其色如蒼玉東家種之
河濱詩選

卷三

三

成潛作西家緣背本以交隣不知何所欲物猶如此分人
倫誰肯篤

夜舟

畫聲知近水犬聲知近村夜舟虛靜極萬物皆來奔曼睩
星挑目耀艷月生魂曠寔無涯際新闢一乾坤

除網

咄咄結繩智蜘蛛一何工絡以腹內絲布護網虛空瓔珞
掛細雨縹渺過輕風飛飛蚊與蚋颺颺蝶兼蜂觸身有所
礙荼毒無終窮比丘搖紫竹廓然見蒼穹匪其不慈汝聊

且甦百蟲物理信故然天心惟至公

江船

長江自安流利涉初無苦風伯從何來簸弄蛟蚪侶千丈
雪濤飛無邊狂波舞中有鬼與神波聲如相語我行水軍
時自應避行旅茫昧溺死人沉魂冥萬古不得生人間長
作魚鱉伍積其寃與悲將成萬鬼譜或謂子胥翁銀甲巡
海渚募此異方兵旌旗耀水府鬼復將爲人其數亦須補
所以速無辜偶及諸商買我心實不然於彼豈相忤愚者
自競渡造物非讐汝鬼神固云慈生民賴所怙誰作救生

河濱詩選

卷三

五

船此舉洵義舉可以知豢龍可以驗渡虎

聞蟬

數日不聞蟬蟬與客相思客阻蘆花水蟬在桂花枝孰謂
江南暮竟佳人期爾意何婉轉予耳亦委遲清響故可
尚結舌亦可師止有兩三聲飄入金風吹安忍春桃發棄
汝聽黃鸝

筐筥

筐筥計終日鋪禾栖市廛所營瑣且細不敢居人先鄰肆
皆有酒忍凍惜金錢唾彼敗業兒大廢祖宗田博得揮霍

名東手娼樓前

學琴

家有古名琴十年不動指今乃聞此音彈者爲內子余兒
學於母久當知倫理老來心悅愉無以傳其旨爲之喻以
詩此意靜乃高化理非獨運自然無煩勞春氣盎然鳴萬
物生蘭臯律呂爲夫婦生者如兒曹吾昔悟琴德絃指兩
相遭細欲落輕花壯欲湧寒濤此中微妙旨細如九秋毫
幾微一中睽萬古心鬱陶吁嗟和爲暢憂思乃爲操以此
宮羽間寂密化雄豪人生養性情齊家諒如刀

河濱詩選

卷三

五

蜀都城是秦時司馬錯所作王右軍帖中已豔稱之
自晉及明歷代不毀今毀于賊并屠其人愴然感
之

井絡益州部金湯司馬城豈惟閩秦漢屹然歷大明胄遠
藩磐石國富衆咸寧不憑雲棧險誰加鄧艾兵金牛雖有
驛劔閣舊存銘追憾公孫述妄爲白帝名矣劉猶王命討
據豈人情昭烈嘯火燼出師見忠誠此後咸寂寞唐皇但
遠行獵雁誌舊矢云是徐禎卿驚蹕何須再藩服幸無傾
孟昶嗟銜壁花盡泣瓊英或傳巫山峽灑瀨亦奔驚况乎

都邑外諸蕃不易嬰所以蜀中境今古多全生我思青蓮
鄉亦愁杜鵑鳴欲至錦官側遂與浣花盟文賦師相如否
泰問君平勾吳聊隱迹萬里失孤征竭來騰羣盜白鹽赤
甲橫燎原絕草木遺鏃失春耕豺足踏層血虎尾掠空坪
滅竈無曲突炊骨射煙睛賊意乃過計虛邑罷分爭旣屠
城中兒亦屠城外咤叱卒復叱伍眷鋪如雷聲朝毀其女
墻夕毀其甕甓千載哲夫恨丘墟變南京明皇幸蜀曾投
稱南京云淚爲短章峩眉夢不成

焚舟行

河濱詩選

卷三

五五

祝融應象緯炎炎火德熏沅湘舍楚澤水威亦沄沄何不
揚其波救此舟中焚舟中何所有及戟多于雲霄耀紫貂
光甲組黃金支魚服鸚羽箭鸞笙鳳皇羣舟人匪不戒星
星灼江濱豈無材官兒豈無鵝鸛軍坐使蛟蚪窟波族泣
紛紛牛渚不爲詫赤璧或再聞兵符龜爲紐沉落浪中纒
彎弓射心星天高徒自勤拔劔斫司燿竈嫗何足云大帥
無遽怒此事警相君念此千人產一炬齊悲欣古者不箕
敏往往奏奇勲或謂天老意將以血耕耘

暑雨

突雷如驅海初伏流黑雲滴簷懸飛泉頃刻失交氛愛此
蕭爽氣無汗亦無蚊畏此十尺潮江田沒耕耘體熱有時
清腹饑將憂勤憂來其奈何欲藉定力薰
江鄉有山民凶饑蒿生目周歷七八月望雨恆不足北方
則不然流離載道突雨多襄丘陵稅重難爲粟今年江南
兩山田或一熟可歎江干潮無地插禾菽

乾鵲

孟秋無秋色乾鵲噪于野黃鑪如冶鑄金火逼而啞六月
到今時雲雷何其寡處暑前三日微陰生墻瓦曳電閃銀

河濱詩選

卷三

姜

蛇歎風號奔馬地膚等焦桐數滴恨沾灑熒惑吐光晶明
月復來下仰瞻磊磊星欲作雹丸打大海浩無窮不作霖
雨瀉燕肉促龍餐私惠恐難假粒食民之天秔稻未盈把
况此數年來旱澇胡爲者豈惟民爲魚將嗟龍爲鮮萬物
秋皆成乃用杯與筯

野飲

荒荒天地大所恨封垣壁野中境已佳夜分靜所歷澡身
護孤潔暢然如九錫空濶通明神碧漢無私覲皎皎衆星
繁化作白露滴茂密楊柳陰森黑閒而寂南斗疑流螢樹

問可手摘老子興，盪飛酌酒與客喫。此酒釀木瓜瓊瑤非，所覓廬山有淵明。東臯有王績，千古兩醉人。此外寡勦敵，持燭送皂蓋。林禽驚以激，益審萬物情。勿問山中歷。

市賤叟

午趨市，賤肆賤市稀。無人賤價，不云賤貨者。日以貧此叟，爲予言賤來事。苦辛古初用竹素，後世師蔡倫。魚網及海苔，制作益精新。木紙獨崇尚，此物通君臣。雖有高麗繭，不如側理純。江西近多故，作坊亦塞堙。路塗有兵戒，其說難細陳。比入揚州境，亦稅數關津。赤染秣陵色，花來遠方秦。

河濱詩選

卷三

五

木色如象齒，平細玉堅勻。復有宣州紙，廣濶等方輪。不啻如阿錫，葉葉皆雪。銀湖廣或厚，密時好反不。遊延得諸工，輦裁削共秋。春庶幾競毫末，酬勞洒沾脣。不謂文物減，都會化山民。一切畧投刺，亦且廢良辰。近日城守事，雜差市廛類。秋稻常不稔，數口愁米薪。賤成旣艱難，賤架生飛塵。我聞將酸鼻，叟言又諄諄。豈但賤肆冷，百賈皆眉顰。無家不折閱，衢陌多閒身。或見軍馳突，不見客逡巡。那聞窮者笑，但傳富者嗔。揚州名羶地，鹽賈若魚鱗。曩昔權子母，肥潤及外賓。歌舞有餘資，光輝溢四鄰。儉德相訕議，奢侈以

相親園亭貢草卉舟楫移嶙峋綺繡淫巧具山海雜寶珍
不期而胥集馬驟車麟麟委輸關化理一郡若含醇爾時
資煮海醴吏持籌均薰風拂竈戶萬旗發儀直行者利三
倍居者積千鈞佳麗故其習沃饒亦有因不謂湖南翼四
牡逐駘駘鹽筴入官筋帷幄自屈伸利柄歸于上其下自
號旻數載無豸史奸蠹日狃狃况有異區卒焚舟劫海濱
使者自天來搜剔亦善掄商魂悸以怖督課刻昏晨皮存
髓不充奄奄逼幽淪何異鞭瘦蹇欲追飛騏驎峩峩大編
中尊嚴擬鬼神挾持皆白羽坐臥一文茵往來過邗水寵
河濱詩選

卷三

五

命出楓宸耽此爲肴核豈皇念荆榛間井不能智衙署似
宜仁始猶悲負販漸且爲縉紳虛室譬枵腹災沴恐游臻
叟語成吞吐我敢爲泯泯傷哉此何時君子以經綸太平
歸一統化洽於無垠嗟此賤叟意可以鑄山珉

電

客自長安來具言長安電雹災固天凶電吏更爲虐本以
察傷稼意美胥成惡索酒兼索錢旁觀悉驚愕田多雹亦
多錢多將奈何蠲恤未可期役貪如催科電旣費金錢奚
以救殘禾蜥蜴盈澗谿虎豺吼山坡雖有黎民飢其如輿

隸飽近來紳與衿多被胥役惱今我作書詩中心獨草草
太湖

客有言太湖之涸民有探得金錫器用者皆申酉間避
亂人所棄予閱揚州志至正間長江忽竭民于湖去往
往搶得財貨夫江湖至大故無竭時於此驗海中揚塵
之說矣

昔人狎蛟蚪聊以避豺虎復當計舟中親疎無常主亦知
命如菅敢輕物如土藏身惟有貧迷方乃盡瞽草木怖旌
麾龜魚疑軍伍墮淚增深波恚聲鳴羣櫓割此愛所牽皇

河濱詩選

卷三

五

問何人取水伯良念之寧使湖生塢天或郵南東薄言掬
愁苦

偽公

藍田寇劉宗敏從逆闖封偽國公其族人依之以橫亡
何敗赤其族可以為先世無功德于人而妄意生事者
之戒劉同時有田姓者偽封亦同爵其族人不敢附也
得以免

大盜鑄永昌偽公列第府

時人稱闖為老府劉為後府

可笑卯金刀歸

心米脂瞽殺人已如麻授爵欲胙土嗟被葛之藟攀緣翼

者虎族姓一何驕旁觀皆曰武譬之十萬錢輕擲於一賭
東兵自東來啾啾成愁苦畢命等長平流血湧驟雨田家
殊不然天道亦可睹爲悲強梁徒寸磔終自取巨族有餘
丁勿教持弓弩

發塚

相傳發逆闖祖塋見蟻如斗大旋即撲滅蓋蟻
爲兵象云

祖龍錮重泉空空如下天玉隧旣發掘牧人可以燃米脂
借陵寢其數固不延赳赳惟侯勇爲民伐其先入穴見衆
蟻紛如甲兵然其大如斗甬其陣如周旋焚骨以雪恨此
事足流傳盜賊干帝命促亡不數年我思王命論因之綴

河濱詩選

卷三

辛

斯篇

羊羹

有奢於飲食者請尚書某僞爲節儉以千錢求羊羹其
人曰餽之或云尚書入市顧其所嗜奇貨珍貂歎賞稱
佳司屬官有聞者輒購而饋之予以其言可以爲鑒故
筆之

儉哉齊晏子狐裘三十年舉族待舉火掩豆歎豚肩亦聞
公儀休拔葵人稱賢平津爲布被客譏有由然玉戎手持
籌鑽核事共傳貧富各有體矯詐誠足憐豈謂服貂錦羊

羹口流涎已矣勿復道失節貌多妍

綠雲 六月望夜

讀詩豔綠雲嘗疑未曾有淨月曠見之光彩如春柳嫣然
絢青黃攬之可盈手乃知古人言鑿空而芒斗能使造化
情新妍無老醜仰瞻東南隅鳳文矯其首倏忽如魚鱗變
滅不恆久大空何曠邈中夜鶴聲偶此時盪塵襟忘却累
家口雲月苟我知無慚年已叟

古意

石塞綠珠井面灸昭君村皆憎生美女貽羞恐無垠何哉

河濱詩選

卷三

空

荒淫續耽此忘心魂如彼痴蒼蠅墮入粘膠孟蠅能生蛆
日鼓翅曾飛奔旣以穢人物黑白不足論誰云非天意天
意乃終存

勵志詩

鳴鳥在西山麒麟遊郊坰况此賢聖臣言動合天經後進
無寵遇師哉惟儀型在下爲川岳在上爲列星無爲同草
木日月空沉冥

客興教寺

寺雨浸榴艾城烏咽晚風地偏猶謝傳雲老近鴻濛前身

非鳳鳥擇處憶梧桐

臨塚

天逸閣追吊
梅朗三亡友

不知宿草處哀泗如泉湧何以讀書牕取義在臨塚十載
容華移况乃墓木拱舞象一孤兒荒田不盈壟緬懷古人
才多爲鬼所寵

顧廬詩示兒

吳中顧氏自三國迄於唐代有賢哲予嘗按志之所稱
與諸陸諸張皆爲望族甲午之春偶客蘇閭之顧廬廬
甚隘人亦不著乃撮其著于往牒者十一人爲顧廬詩

河濱詩選

卷三

空三

焉

君子履人土不可不思賢未必見其裔知姓卽惕然元歎
醴陵侯名以蔡邕傳寡言能琴書筮任重孫權三邑流惠
政會稽郡績宣感主拜其母忠結恩自偏吳相雖一方寵
任十九年弟徽巴東守才辯克自全硯虛阿瞞中應對何
便便子也豫章郡舅績名後先秉姿旣以哲博學如藪淵
人倫有精鑒風化媿且妍虛懷能引士厚德故高懸篤生
譚與承信可爲比肩或爲東宮友弱冠已翩翩小試左簡
度心計疑謬捐故宜薛綜讓衆望歸旣專代祖尚書令世

德益爲延或爲騎都尉優蒙詔書憐所見過所聞令聞庶
無愆功齊諸葛恪平越以凱旋西部故武畧侍中見累遷
三國移典午族雄亦不顧榮也機神明入洛各赫焉三俊
同機雲常侍聊服官衆也敦從事不叛節能堅所以平蘇
峻揚威著旌旃報功爲僕射謚靖見拳拳和也衆族子秉
德直如弦清操而機警疾惡如鷹鷂劾奏啓左丞百僚憚
以俊立朝多獻納不爲衆所牽子孫皆致身家學悠以綿
劉宋分南北琛也光其前謹確黜浮華帝威眷承天都官
朝從事久任才逾鮮覲之稱雅素謝晦藉陶甄參軍有清
河濱詩選

卷三

三

緒令簡宓子絃家卿不自矜斯作定命篇李唐德宗朝著
者爲少連移文登封虎虎害不駢闐挺笏裴延齡奸臣衆
悃悃仰止吾如覲人十已欲子自悲不任事就食四方僮
語兒兒書紳師古如力田亦如東趨海不外此蒙泉福澤
賴高曾終日勉乾乾

南郭

春閒閒自得昨日遊城北城北復城南總在長江側江都
塗泥鄉陰雨更作慙昧爽先問晴常恐雲生黑鬱鬱草木
魂凍損未能直饑民豈盡甦野藪未充食看山厭蟻垤臨

水厭鴻鵠何不十日暴煥此乾坤色炙日即郊行坦坦露

胸臆洞豁廓落時萬物不相匿駕言入珠官騁目黃金域

關市見肩摩驢羸雜衙勒衆庶競錙銖君子念溝洫曠彼

隘與廬漸覺少枳棘所哀兵戈繁往來費供億歎思爰漢

初建茲廣陵國揚益故同腴鹵簿見旌軼今讀武帝誥胥

也不可惑乃及王莽間連率滋僭忒李憲據部事建武平揚州

光武帝三年事綱紀始修飭此時江淮間民物稍休息廣陵復建

侯庶幾免僵踣張綱雖賢守招降張嬰賊不有滕君撫東

南亦啾唧興平來孫吳建安據去德東取廣陵有誘斬楊奉事守者士

河濱詩選 卷三

審

民流頗厚生忸怩惟有刺史馥萬民歸如織劉馥事曹氏父

與子江濱驚戰克操徙江濱郡縣民皆東渡江至臨江而還後此吳人敗曹休于石亭敗王陵于

阜陵又使金琮畧淮南王陵與戰敗之漕渠屯淮南新城固張特皆魏毋丘

非否臧葛誕非昏墨是時司馬氏勢已不可抑毋丘儉討司馬師師

擊敗之諸葛誕討司馬昭昭卒殺誕于壽春是二人皆揚州都督也晉代分藩封于焉開社

稷江三州諸軍事立孫暹為廣陵王永興迨永嘉兵事遂

孔亟度支陳敏擊石冰于建康復據江東江夏太守陶侃討破顧榮周玘殺敏以降瑯邪王睿都督揚州諸軍

事遂周馥以王敦為刺史又遣世子紹鎮廣陵明帝時王敦自領揚州牧帝以王導都督揚州討敦以郗鑒都督揚

州八郡事鑒以廣陵殷浩彼一時桓溫肆狂悞嗟哉築城相陳光將兵入衛

人徐充失稼穡

温發徐充民築廣陵城征役所賴謝安云既煩加以疫疾死者十四五

劉牢為羽翼肥捷為新城比以甘棠植孫恩太披猖城陷

堪悽惻

隆興四年孫恩寇丹徒劉裕擊敗之恩北走遂陷廣陵

孟昶殺桓宏此輩皆

鬼蜮魏宋既相爭經營禍不測劉裕用檀道濟出鎮廣陵魏遣中書郎魯秀出廣陵

所過殘滅宋主命廣陵太守劉懷之逆燒城府船乘何當

盡師其民渡江當是時土地無宇春燕歸巢于林木

劉誕誅屠戮萬古盡竟陵王劉誕反廣陵宋主討平之城

慶之請自五尺以下全之女明帝泰始間蕭齊已剝蝕奄

忽成翔業刺史歸蕭嶷蕭道成以其子嶷為揚州刺史齊魏復構兵此為

魏所得

魏遣王魏領揚州刺史又以王蕭為揚州刺史景明二年以任城王澄都督淮南諸軍事正始四年

河濱詩選

卷三 奎

以李崇為無幾屬於梁侯景毒不息太清三年侯景陷廣陵簡文帝大寶元年

揚州刺史侯景陷廣陵殺梁祖皓屠霸先一濟江萬數民隨卽版圖

雖在齊將為陳所弋梁陳霸先圍廣陵不克引還江北之民從之渡江者萬數人大建五年陳

敗齊師取廣陵後此韋孝覽旋能相蝨騰周行軍元帥韋孝隋家

獨一統晉王恣雄力至今江都人伐陳猶在憶若弼總吳

州大業能輔翊賀若弼也世充彼何斯逢惡洵可極王世充諂

顏色雕飾池臺奏獻多事擊高麗騷動在堂闕敕河南淮

燮崇起江南六兒喪其實朱燮起吳管索起晉陵道將陸

眾至痛心痛心幸江都禍亂不可熄江都郡丞王世充獻銅鏡

十萬味遷江都丞世充密為帝取江淮間美女獻之九所以武

德初唐功省伐尅吳帝就消亡貞觀垂典則吳帝李高宗

紀總章猶能守其式高麗民初徙高宗徙高麗民雜處亦

傾仄英公名烈烈義兵堪鑄刻李敬業起兵揚州所嗟裴

與劉財賦為封殖踵事鏐與播餘風生污墨裴耀卿劉晏

王鏐厚進奉賂宦官求平章事少白居易言而止王播進

羨餘絹五萬疋正貢不充誅求太急羨餘相繼遂得宰相

黃巢一披猖高駢稱病革秦畢孫楊後千里如判疆富庶

失其舊天道歎盈昃畢師鐸等討呂用之克揚州用之敗

河濱詩選 卷三

李六

秦彥入揚州盧州刺史楊行密引兵攻之秦彥殺高駢行

密克揚州秦宗權遣孫儒攻揚州屠高郵又陷揚州自稱

節度使景福元年楊行密擊孫儒斬之遂歸揚州楊吳徐

當是時兵火之餘江淮之間東西千里富庶掃地楊吳徐

唐周禍亂相前逼吳王棧行密卒以子溆為節度使徐溫

吳政為中書令吳加大元帥封齊王加殊禮建國于金陵

國號唐遷揚州之族于泰州唐主入江都周主遣韓令坤

將兵襲唐揚州取之又取唐泰州唐兵復取泰州進攻

揚州周韓令坤敗唐兵于揚州周主破唐人于盩江口宋

祖建隆初節度獨死職周淮南節度使李重進謀起戰艦

習水軍鑾江水漫滅唐歸吳越降兵事釋徽纒嘉佑韓琦

守治平富弼翊崇寧貪進獻司徒可以陟徽宗時胡師文

部郎宣和間靖康罷李綱法紀解而泐緬彼駐蹕時三年

宋江盜起

愧埏埴

靖康二年元祐太后如揚州建炎元年高宗如揚州三年二月金兵至帝馳至瓜洲渡鎮江

嗟岳與韓

江淮統制岳飛敗金人于廣德韓世忠邀擊兀术于江中大敗之

忠勇匪雕飾

時亦有張劉能使敵匍匐

張榮擊敗金兵于興化張俊為招討使岳飛副之劉光世復楚

州劉琦屯揚州進軍楚州以拒金金人陷揚州琦遣人拒于皂角林大敗之後此金主亮為其所殺于瓜洲龜山

寺理宗紹定中二趙除蝨蠶

趙范趙葵大敗李全于揚州城下

淳祐不復

振蒙古擾稼穡通州慘以屠淮西棄雞肋何哉賈似道此

好不見望維揚一塊土變化為功熨雖有李庭芝莫挽數

之仇雖有文天祥竟同魚在罟自封鎮南王衣冠失要襪

偽吳故無迹驅除等柶杙魏巍洪武興良邦斯曼曼吳頑

河濱詩選

卷三

七

洵靖海倭船彰天極陽和數十城海氛淨于拭成化得董

寬錢厚就窮効

鹽城錢厚作亂稱江海

武宗惟毅皇六軍

勤邪幅

十四年寧王宸濠反下詔南征駐蹕揚州九日十五年自南京班師駐蹕一日

嘉靖威惠

尊遐方輸悃悞患出意外著草所不劫傷哉城郭人黍

稷遲蕤蕤時為繁華一時為寂血江波沸如湯鯨戮清

且湜念此大瀛海龍躍尚疑或人生百鍊剛精神當寶齋

采桑增長絲采蓮得苦蕙我行歌且謠惟有賢者識

五日追贈齊田文楚屈原兩先生作

川蒲沾江雨勸酒醅江雲此時不獨酌古人與共分死息

屈正則生思孟嘗君生死同今日歌哭九京聞歷亂萬古
情先從生者始青齊雖雄風推汝佳公子賓客盛如雲三
千皆珠履入秦藉雞鳴賢者不可死能使函谷西虎狼且
衰止平原與春申那得與君似何況守錢虜國亡不自耻
奕奕擅英名我欲執鞭弭此兒倘不舉將爲靖郭鄙汨羅
古三閭忠黨罹讒毀斬尚故善佞鄭衷真頑婢誤入張儀
術六百成六里懷王竟不歸離騷聊自紀百二負河山日
月沉碧水英靈感此時競渡紛紛是角黍五色絲爭此蛟
龍七務光誠可從招魂何爲爾當年典忍生鄉人應不齒
應知馮夷宮不收忠貞士三戶報嬴呂君心天所喜呼彼
六國人慰其遭死徒呼嗟兩先生應有世界情爲君歌一
曲忽作戰伐聲

葡萄酒

揚州

明尊共斟酌始知惜春殘高陽固獨飲衆眉解其攢葡萄
最晚出微我無新歡歸路幾忘之如得涼州官

深涼

天逸閣

自予歸亦嬾深涼嗜孤居千林飛佳靄一榻借殘書屢覺
宐風雨曠哉遊空虛無突可以黔餓吟良晏如有友亦斷

河濱詩選

卷三

矣

烟相約餌嘉魚惜哉簑衣少不得侶春鉏

大醉

永州

客暱鷓鴣杓天老鴛鴦湖隔宿猶酩酊安步看平蕪蛟穴
蹲三堦虹橋臥一隅百錢久盡杖五齊慮空壺旬日皆笑
口何處是愁區

夜飲二章

寒禽噤失語村犢臥如聾仰眺天垣宿炯炯懸睛空此時
歸自野破裘衣吻風我肌亦有粟方知酒有功

七尺高山嶽魂礪非所膺何況愁慮積擾擾常相乘糞蛆

河濱詩選

卷三

六

不可爲婦女豈足仍造物尊曠達此道忌葛藤縱懷華胥
閨偃臥曲吾肱

舟中讀書

用韓退之體

晨起方盥頰讀書研深幽
無所事短章散我憂
禺中客不至野史可纂修
當午精陽元元坐案頭
或復吟拙賦野菼自云羞
一帷隔妻子不皇語綢繆
惟此巖居事及今在春舟
聊以娛旦夕敢云企千秋
鄰船多時貴欲訪還復休
終日復終日皇問長安遊

響山四時詩

爲梅杓司羣

響山春鳥鳴叢木葛萋萋春氣葱以萋鶩然盈前溪所幸
無桃花不能使客迷

響山知宜夏城遠烟火稀拍手應山聲驅鹿傷破衣但爲
白晝眠兀兀忘是非

響山有秋水流入敬亭側是時月初來一一幽壑色客心
亦復佳主人情何極

雪光動響山漁影落孤磯詩成酒乍酌何物慰清微梅花
與梅子歲莫且相依

驩山採樵圖 爲梅季升超中

河濱詩選

卷三

辛

采新不爲勞行行入山深山光足相挹冰雪來我襟高枝
吾不剪留棲舊時禽孤柯亦不伐養其百年陰所取唯惡
木復恐辱釜鬻斧斤橫日夕乃作谷口吟

池上 同家宗伯作九月九日

初月縣片璧眷此九秋明水中魚初靜林間鴉不驚吹破
黑玻璃復有洞簫聲是夜聞鯨齒居然見重生神仙不必
學至性已遺榮摘詞範來許匪求四方名大厦收榱桷古
樂續英莖伊人在此間誰無溯回情

復至池上 九月六日

古人重登高其意不在酒不見山陽山重陽夫何有傳聞
紫霄宮頽基尚數畝悵在城東郊那得諧童叟池上十丈
橋空淨三星留月華漸以肥墳篋爲師友樹影與雲光參
差可掬手微風未皺波哀梨初爽口短曲何淒淒仰觀天
北斗衆星皆豎子數公獨窈糾璣璇權衡間月令供奔走
文章亦復然庶幾能不朽

三至池上 九月七日

頻習水間月娟娟娥媚逞愛君每徘徊不止爲俄頃但覺
情思深那惜衣袂冷無夜不中秋此境是何境倘非真仙
河濱詩選 卷三 五
人冰雪漸形影昏昏駟驢兒日莫留市井君子懷良璞處
僻恆修省一夕如千夕吾道相與永

山遠

山近入相及山遠亦不歡虛名恐累人虎豹非所患採樵
雖可薪藥苗雖可餐不如塵市中飢餓乃相安

竹月

亭亭牕外竹皓皓中天月翠影虛而清夜聲靜未發四瞻
衆星疎攸懷忽曠舒不知此時身仍在塵寰居境寂尚且
然心止復何如

泣荷花

折荷去芳池荷悲不能訴心苦在異時華顏非其故緇塵
滅清芬盈盈泣晨露

兒時

兒時逐羣僮不喜白髮翁白髮忽我侮十年覆青銅壘壘
桃杏實那得再華紅春深惱繁葉秋至怨寒風嬰疾不畏
鬼悟與屈伸通

竹溪草堂三章

新種一溪竹復作溪上堂所欣違城邑咫尺湖射陽且鼓

河濱詩選

卷三

十一

木蘭舟棹入無何鄉不知子何心故闕聲光

寂寞太白後千祀無竹溪非無溪與竹古人難重躋湖海
雖茫茫達者仍栖栖閱彼水中萍長懷雲中鷄

勤勤敕子孫借竹不須刪譬以愚公愚世守可移山歲深
陰必厚籜積虎豹斑只此足頤年逸者亦相闕

懷哉二章

懷哉泉石思乃在無家初一筇聊自荷上束古人書神州
坦且廣芟草平溝渠徒步匪不勞不能乘柴車

懷哉泉石思時平乃益深敝裘倚鹿豕寒蘿掛雲陰山中

雖猛獸山外塵不侵酌漿向白日夕景嗟先沉

午睡

力疲姑就枕昨今習而安衰病兒不知書聲尚未闌但求
兒有成吾衰如秋殘秋在春夏後何以長憂歎

濯足

濯足重濯足日日弄清漪水伯解此意故倩遠風吹日午
猶風熱日晡覺風空來往水風間未許他人知
頰面費桐井濯足戲柳溪面尊詎云褻足卑庶敢齊細萍
紫短石水馬躍濁泥林杪新月影渺渺可同栖

河濱詩選

卷三

三

客語

有客語太苦其苦無人奪玉禾不療饑瓊漿不慰渴蒙密
荆棘叢當徑見狼跋欲行無四方欲往仍虛喝欲臥席蔕
欲坐心膠轕幸哉君子國德音復來括

曩燕

曩燕秦王庭還哭秦王死山陰與襄垣下交一帶水未容
梁園中詞賦亦雲委十載斷音聞哀思庶可已客傳舊時
宮十五遭廢毀中有神鬼藏嘯聲多哀旨何當浮雲中仙

笙吹王子

海嶽樓詩

以樹影中流見鐘聲兩岸聞爲韻予得中字

茲山雖易盡久居渺莫窮殊詭不具述靈狀變乃工象馬
旋灑瀆珠貝湧神宮南服標兩戒佳氣想鬱葱天人青螺
髻金光吐字胸嵐常雙眉濕江能四面通不照燃犀怪時
覺市蜃空春梁集海燕秋葦老霜鴻猶惜如郵驛冠蓋未
飛蓬僧雛半偃蹇勝覽失鴻濛今予栖岩谷垂向尚雕蟲
東林無蓮社北海歎尊中逸史不遐棄契濶兩心同有客
携諸子載酒慰蒼穹雨積初云霽鯨吸未足雄及此一晴
閒振起八代風盡醉復難別西緒日落紅

河濱詩選

卷三

古

悶躁

陽剛陰躁躁之苦大矣

佩之以柔葦古人何爲爾足多蟹郭索無足蛇不止所懷
不坦夷匆匆劇欲死輾轉造物中躁人真可鄙

悶詐

關防詐僞當自關防其心耳

仲尼述三疾最傷愚而詐旣調至誠心又出聰明下失則
爲穿窬得止爲五霸天人不可欺彼哉自不化

悶粗

或云小人無惡由于心粗氣粗行事粗莽此有至理詩以紀之

石粗非圭璧穀粗爲秕糠人生狂氣所以微理焉能彰言動
皆暴鄙無福但有殃所以秘密智諸法獨吉祥

憫瞽 夫子矜不成余何敢嘲故以憫詞紀事

誰家無目嫗生此無目兒古人明四日今煩某在斯明杖
不可恃俚俚欲何之終日面墻立審樂竟無時

憫傲

河伯矜牛馬夜郎負井蛙舉世盡丹朱神堯淚如麻時移
足居上寶裘飯蒸砂却笑文周易謙抑無才華

憫贖 有贖婦于擄者其事可悲世道之不蒙天哀也非憫此匹婦

已缺延平劍難還合浦珠之子遠方來復與舊兒娛取水
濯面塵兒在側傍呼相逢猶可泣寂寂向庭隅

河濱詩選

卷三

七五

憫妬

元御之妻絕夫之嗣其甚者爲懷生之配殺其庶子筆以誅之

草不生蠲忿鳥不生鷓鴣讒夫覆宗社虎豺斷人行化爲
胭脂刃屠殺傾其城地下無有獄此案未分明

憫蕩

有樗蒲之子鬻先人之產殆盡者

天旣生劉毅一擲百萬輕相與有瓜葛兒亦與父爭所傷
無片瓦其始作聰明譬於桀之裔驪脫事遠行

憫嬾

日禺中不起惟揚之女人爲然男子晝寢其家必敗

古哲矢夙夜此計良爲迂甘爲飽食豕終日但負塗巧言
仍文過願作陳搏徒百業旣廢盡自反愚不愚

憫饒

有以家雞二易鄰雞一者爲其肥也可爲噴飯故作此詩

飲水徒虛語菜根事亦迷不如沽美醞換得鄰人雞咽喉
雖三寸如彼壑與谿填之誠未易終日費憂悽

效寒山體三首

春分不出門梅花恐落盡江南雖多花紅紫非所引澗邊
松翠深山邊雲影緊卷卷寒山詩遥遥相悲憫
彈琴無妙指七線生埃塵世局縱可賞奈我寂寞人身居
海之湄心歸河之濱先聖不我欺登岸去迷津

河濱詩選

卷三

七

古人言自新改其舊無心苟無愆不必言天佑

訪友

心勞道云遠青陽愁中邁初憐禽語澁再惜梅花瘦何如
幽人居溪橋鎖圭竇命駕云相思之子終難就古人重久
交今人但邂逅

春思

客居長落落歛復對韶春不學草木質紅紫競妖新我心
如谿谷逝此縱壑鱗

安西無舊山漁釣無清沚偶來茱萸灣坐觀鷗鷺起咳涎

亦已潤老成爲綱紀

昔聖繫潛龍物理戒撲滿時呼無所從才長乃自短楊柳
方曳線梅花落已嬾

晴

無火令我饑無日令我寒春凍清明裘雨味苦且酸白晝
如昏夜自考愁肺肝噉傾珠玉液怒鬱黃金鞍牢落嗟去
倉積陰非所安欲快胸與臍吞此太陽丸滲除九州溼漸
使戊己乾種以玉禾粒盛以崑崙盤曝背以鼓腹下與萬
物歡展泥車生耳方知有晴難

河濱詩選

卷三

七七

雙龜

江岸雙青龜踞岸吞秋暉其大可駭人水陸恣行歸甲厚
瑤犀堅裙沓類鱉肥伸項而昂首如兵自作威江路魚無
數汝曹焉得饑舟子謂汝饑此言是耶非其意在人肉天
生人亦稀或將動食指天道終不違

鑿刁

秦風哦媚子所惜富且強齊人用鑿刁身後亦流殃大漢
枕宦股小德實蔽傷勢星夫如何迺生紫微傍鉤陳出墨
敕魁柄移低昂奔彗飛所指九野蒙其殃禁中生頗牧塞

江失封疆懲此執大阿胡俾復鳴張密以寄耳目叢挫察
官常坐使日與月薄蝕掩精光風指搜潛翼士類嗟摧藏
林下不得寧網罟及四方我聞平頭監國體竟不祥此輩
何可恃泣血歎前王

堯用解豸毛爲帳事大奇戲賦其事

解豸故異物觸邪有嘉名其毛可珍惜作帳亦可驚聖人
愛其死應亦愛其生嗟嗟殺諫臣折檻空復情

悼舊詩

癸甲之間吾里士人同客於異鄉者今亡過半不槩其

河濱詩選

卷三

生平恐將湮泚毫以悼之

如臯令馬元御御輦

首元故孝親屈身違所尚分符鋌矛中隱忍聊東向昔時
避秦遊死官能云諒式穀復何人殘帙殆惆悵

前孝廉張德菴惇

達者稱南面酒人紀東臯一醉不復返廓畧念爾豪百萬
同劉毅新鬼註若敖丐鬣涇原路舊住生蓬蒿

詩人王雪蕉公相業

奇君毛翮佳翩翩復矯矯敝廬在窮邊跡啞入深窈酒情

故不淺吏隱直雲撫遺恨在弓箕詩名猶江表

前中丞秦懷生公所式

旅中每自憾封疆舊中原頌長手無鉞曝書倚江軒達生亦易事徒步寫憂煩惋斷遺腹子扶觀歸丘園

城固鄢文普廣

鄢生雅解音鷓絃頗自媚時哉一吹簫亦令聞者醉賢書故已奇學宦復能遂九泉無后夔惜哉虛其慧

漢中李筠圃公景廉

司業初涉江多士羣所宗一自三山遊禮樂喪南雍漢上

河濱詩選

卷三

七

識神仙斯人或相從風流不可作漢水秋溶溶

郝文仲趙公璧

崑岑子余私謚以文仲

臯蘭蔚儒宗夙被鄒枚遇羅材得豫章文名如飛兔晚遠自一時詎應遭讒妬文章不救死悲戲黃泉路

哀故解元楊維斗

有序

予未識維斗識其文與其死節事異日讀葉聖野三哀篇卽用其韻以誄之

坤乾錯元氣湖澤接混茫吁哉文明郡血碧染宮墻維斗

良冠冕多士如繡裳如何羣玉府判合泣珪璋一髮繫千

釣就義恐不遑謝翽工吟詩敬仲失扶匡護暗與叱咤鬼
烈魂亦強同人千秋眼出淚等波汪遺孤或驟裏他日必
騰躑托此六尺子程嬰可頡頏朝灌塚邊樹夕入讀書堂
有美葉公子師門生輝光有腹恒苦饑有羽不欲翔丈夫
重節義沉默隱維桑詠詞垂萬古史筆驗三長我聞增歎
息事師果無方因之念化者烈烈不能忘憶昔南畿時風
推錦繡腸止知占奎璧誰者慮天狼省元如屈宋隱隱切
楚湘天心違社稷匠石棄栢梁金臺一以改石城亦有殃
會稽伐竹箭西雍擯琳瑯仰瞻少微星一夜喪清芒詞士

河濱詩選

卷三

全

雖溝壑將軍恨封疆惟公平生德可以贊聖皇嫉惡輕宦

監急友神悴傷

葉聖野云天啓丙寅周忠介被逮公周旋禍患幾罹不測

峩峩骨聳岳

匪但藻流芳道法先剛直有表紀溫良今日誠不死我筆

庶益章蓮花千仞石仙鳳鳴鏘鏘招公天上駕名文事共

襄公爲大乙藜我爲釣渭璜生死未識面氣誼畧相當作

詩貽處士宿草近滄浪

義烈劉生詩

有序

同州烈文學劉庚星聞寇至焚其衣冠于孔廟自擇葬

地於城中托其子於友殺其妻而自入於井

虞淵落頽景狂霾殊未闕人命非金石罹此亂與殘或以
義爲嗜浮生乃大難闔門可捐糜存此烈士肝章甫歸先
聖聞者皆悲酸瘞身不在野蒼茫草木寒遺孤知有立如
石砥崩湍嘉汝惟一死誰云道多端

八哀詩

鄒臣虎

先生如削峰不與惡人邇神賞顏魯公矯矯氣不靡手摹
裴將軍雄毅欲雪耻猛虎藜藿存畫師前身是豈但空江
南四海無并美八十神猶強炯炯常不死

河濱詩選

卷三

全

包釋修

奇哉包通州萬物歸心匠小藝掩鴻才孤情獨蕩漾國運
將隤幽浮雲綺無當烹飪思有莘五味得其醬寧知網不
疎頽然欲自放宰木入黃泉吾道存想像

王賓我

先民寡其儔大年神猶銳茅齋垂一經咫尺近百歲風教
自勾吳時政皆魯衛邑乘雖未峻其言良不贅惜哉捐賓
容蜡失郵表暇

劉西珮

文端不可作作述黜光彩清輝知典故源流晉河海謂我
密勿猷作相難於宰正人無邪黨國是亦及採具言昔東
林定論或遷改吁嗟今已亡江右無香薤

汪然明

西湖老逸客名與西湖共烟泉爲鹵簿花嶼爲季仲賢著
時一來一一皆鸞鳳携有安石妓解悟槐柯夢自君歸箕
尾門無田文衆

李小有

惟君名家子能文長苦饑饑來驅之去蕭蕭常自悲入室
河濱詩選 卷三 全
觀滕下惟有衆男兒數矢青瓊管一卷贈人詩豈其未作
宰清苦萬家知考終牖下死爾魂竟何之

葉聖野

吳趨有貞士乃是文人友文人伊何人明時楊維斗嗟汝
出無時鱗魚歌不苟誰謂有鬼神世道逢陽九奪汝著書
心緘汝月旦口一葢七尺軀其餘復何有

梁仲木

嗟嗟都人士髯戟忽生霜革履不可脫於已信貞方親墓
詞不得弟饑我傍惶悠哉念舊交薄田一半荒首丘無所

可使我沾衣裳

弧矢篇

觀象弧矢直成物金秋堅良蓂植嘉苗去莠迺所先狗鼠
胎叵測古人憂未然朝歌及渤海不負一方權犬無中夜
吠氓得達曙眠仰溯刻木吏清靜懸蒲鞭穆穆非不美江
河異昔年君子善琴聲入耳螳捕蠅劍利紛長珮神鏡當
空懸山魃水怪息始見高明天

梁溪篇

三月四日

梁溪溪水流滌滌入客愁染光過綠玉檻泉腴碧油病脾

河濱詩選

卷三

全三

絕若柯鬱陶罷思柔兕光久能放金尊如見囚供頓從減
米簡帙欲忘讐風微海喘定雲交日瑰幽造物心不淨空
中相纏糾四顧疑襄野囟圖笑天毯遲蠶無病馬徂隰慟
衰牛阿誰履虎尾危身眷貂裘開眸不覿睫聒耳媚歌喉
彼哉奚足齒大雅念吾儔昔年集衿珮中夜燭林丘楚人
罹矰繳寃鳥鳴啾啾迺知才不才達生惟莊周

蔬歎

市蔬者湛潔修飭功倍園丁厨人得之委棄於地多不
盡其才余惟天之生材不易或選而舉焉用者輒輕之

與此蔬何異率爾歎之

腥膻充大烹果蓏薦籩實野蔬雖微末淡泊以爲質筐莛
羞神明潢潦共誠一所以采蔬者敬爾未敢失祓除用清
泉知已冀中室數葉亦涵心素味藏深密願充腸腑間且
以蠲肉疾棄置不復陳生材事已畢顧念自摧崩故畦遠
難卽作詩詰庖厨物微理當悉惜福如惜人厚德乃迺吉

琴歎

琴有千古音惜無三尺喙有情不能愬絕絃成衰替予里
韓恭簡此道曾砭劑曰此禮與樂殷薦於上帝嗟天無聖

河濱詩選

卷三

舍

人春臺階則閉所以民物間天扎成災豎欲使聖人生去
化疏樂衛其本在氣和其理樂所係奏樂厚元德返醇祛
恣憑律呂有成書葭黍須詳制乃與楊椒山黽勉無玩愒
樂成鶴峇齋以此知儀鳳允惟唐虞世公當垂老年及門
談六藝或則惟恐臥茲道遂長遯予生不逮公粗質靡砥
礪兼之耳不聰古器久頽敝尚見舊琴存不鼓祇爲贅焦
尾橫我堂學之心未惠何況金石匏洋洋何幽細比聆比
鄰聲喧呶良可涕

采芹篇

芹生蘭池上青青潔且修香葉拂春露光澤何油油采采
盈素手美人多所思上以奉宗廟下以宴賓師濯以萬里
流烹以古尊羹茶蓼非不茂要非我所存海嶽拾瑤草不
如守薺菘

斛山篇 有序

斛山椒山兩先生皆師予里韓恭簡公斛山忠而精于
易椒山烈而精于樂今永嘉令式穀爲斛山六世孫以
集見示得立亭太宰少墟所爲傳追爲此作用志仰懷
昔在嘉靖中皇帝崇去教貴溪氣橫陳言官無所效羣然

河濱詩選

卷三

金

抱葉蟬海宇淪泥淖斛山不惜死天闕犯虎豹風霜貫索
寒三年妃何校放歸肆金雞緹騎旋復關先生惟撫心寧
能變顏貌羨里思周文卦繫得微効獄中多格言屯蒙徹
長覺追溯未膠序拯兄克友孝函席花洛間大道乃所樂
光祿賁身後遺文存畧鈔嗚呼忠介節亭亭不可撓君子
心朝廷豈曰獨執拘奸諛蒲函益正氣誰胥傲龍蛇雖有
螫狐鼠何足較知君爲明神震雷時裂爆

京洛煌煌篇

京洛何煌煌宮闕高無極赤龍蟠螭坳青雲翥鳳翼九衢

耀香輪雙雙暘春色誰謂白晝間平陸生鬼蜮兔尚爰
爰良書變羅織二陸不免時古道焉能直重陰無由開碩
果正不食豈無胸與心逢人毋歎息天道有乘除君子崇
淵塞棄置松栢身仰俯高天側

荆溪篇

曾之荆溪曲一上荆溪橋望裏諸山翠靄靄向人飄此際
復何有雲華滿如潮秋空涵曠古山居多風標共知蘇子
瞻茶田爲露蔗種橘聊飲水野遂當聞韶吾生無此福仙
洞理芝苗

河濱詩選

卷三

六

澗竹篇

澗竹綠坡陀天然無位置野竹逐水湄蕭蕭多寒意庵竹
帶鐘聲常有道者致移根入城中何曾干人事已覺負此
君減却霜中翠猶勝富家園終朝如酒肆哀彼篔簹絲工櫛
篋以爲治藏密及蟻蝨齒齒競銛利質緣上頭顛得時反
不棄君子全其直非云吾才匱于彼無何鄉寧願青雲器

